

景宗本禮記正義

十三

禮記正義卷第三十九

國子祭酒上護軍曹阜縣開國子臣孔穎達等奉

勅撰

玉藻第十三

正義曰案鄭目錄云名曰玉藻者以其記天子服冕之事也冕之旒以藻紉爲之貫玉爲飾此於別錄屬通論

天子玉藻十有二旒前後邃延龍卷以祭

祭先王之服也雜采曰藻天子以五采藻爲旒旒十有二前後邃延者言皆出冕前後而垂也天子齊肩延冕上覆也玄表纁裏龍卷畫龍於衣字或作袞

玄端而朝日於東門之外

聽朝於南門之外閏月則闔門左扉辛

其中

端當為冕字之誤也玄衣而冕冕服之下朝日春分之時也東門南門皆謂國門也天子廟及路寢

皆如明堂制明堂在國之陽每月就其時之堂而聽朝焉卒事反宿路寢亦如之閏月非常月也聽其朝於明堂門中還處路寢門終月凡聽朝必以

疏

正義曰從天子王藻至食無樂此一

節摠論天子祭廟朝日及日視朝并饌食牲牢酒醴及動作之事并明凶年貶降之禮天子玉藻者藻謂雜采之

絲繩以貫於玉以玉飾藻故云玉藻也十有二旒者天

子前之與後各有十二旒前後邃延者言十二旒在前

後垂而深邃以延覆冕上故云前後邃延龍卷以祭者

卷謂卷曲畫此龍形卷曲於衣以祭宗廟

禮祭先至作

袞正義曰知祭先王之服者以司服云享先王則袞冕

故也云天子齊肩者以天子之旒十有二就每一就貫以

王就間相去一寸則旒長尺二寸故垂而齊肩也言天子齊肩則諸侯以下各有差降則九王者九寸七王者七寸以下皆依旒數垂而長短爲差旒垂五采玉依飾射侯之次從上而下初以朱次白次蒼次黃次玄五采玉旣貫徧周而復始其三采者先朱次白次蒼二色者先朱後綠皇氏沈氏並爲此說今依用焉後至漢明帝時用曹褒之說皆用白旒珠與古異也云延冕上覆也者用三十升之布染之爲玄覆於冕上出而前後冕謂以板爲之以延覆上故云延冕上覆也但延之與板相著爲一延覆在上故云延冕也故弁師注延冕之覆在上是以名焉與此語異而意同也皇氏以弁師注冕延之覆在上以弁師經有冕文故先云冕延之覆在上此經唯有延文故解云延冕上覆今刪定諸本弁師注皆云延冕之覆在上皇氏所讀本不同者如皇氏所讀弁師冕延之覆在上是解冕不解延今案弁師注意云延冕之覆在上是解延不解冕也皇氏說非也云玄表纁裏者纁是朱之小別故周禮鍾氏云二入

爲纁鄭注士冠禮云朱則四入與是纁朱同類故注弁師朱裏與此不異云字或作袞者案司服作袞字故云或作袞是字或作袞也但禮記之本或作卷字其正經司服及覲禮皆作袞字故鄭注王制云卷俗讀其通則曰袞是也其六冕王飾上下貴賤之殊並已具王制疏於此略而不言

注

端當至武王

正義曰知端當爲冕者凡衣服皮

弁尊次以諸侯之朝服次以立端案下諸侯皮弁聽朔朝服視朝是視朝之服卑於聽朔今天子皮弁視朝若立端聽朔則是聽朔之服卑於視朝與諸侯不類且聽朔大視朝小故知端當爲冕謂立冕也是冕服之下案宗伯實柴祀日月星辰則日月爲中祀而用立冕者以天神尚質案魯語云大采朝日少采夕月孔晁云大采謂袞冕少采謂黼衣而用立冕者孔氏之說非也故韋昭云大采謂立冕也少采夕月則無以言之云朝日春分之時也者以春分日長故朝之然則夕月在秋分也案書傳略說云祀上帝於南郊即春迎日於東郊彼謂孟春與此春分朝日別朝

事儀云冕而執鎮圭帥諸侯朝日於東郊此云朝日於東門者東郊在東門之外遙繼門而言之也云東門南門皆謂國門也者以朝事儀云朝日東郊故東門是國城東郊之門也孝經緯云明堂在國之陽又異義淳于登說明堂在三里之外七里之內故知南門亦謂國城南門也云天子廟及路寢皆如明堂制者案考工記云夏后氏世室鄭注云謂宗廟般人重屋注云謂正寢也周人明堂鄭云三代各舉其一明其制同也又周書亦云宗廟路寢明堂其制同又案明堂位大廟天子明堂魯之大廟如明堂則知天子大廟亦如明堂也然大廟路寢既如明堂則路寢之制上有五室不得有房而顧命有東房西房又鄭注樂記云文王之廟爲明堂制案觀禮朝諸侯在文王廟而記云凡俟于東箱者鄭荅趙商云成王崩時在西都文王遷豐鎬作靈臺辟廱而已其餘猶諸侯制度焉故知此喪禮設衣物有夾有房也周公攝政制禮作樂乃立明堂於王城如鄭此言是成王崩時路寢猶如諸侯之制故有左右房

也覲禮在文王之廟而記云凡侯于東箱者是記人之說誤耳或可文王之廟不如明堂制但有東房西房故魯之大廟如文王廟明堂經云君卷冕立于阼夫人副褱立于房中是也樂記注稱文王之廟如明堂制有制字者誤也然西都宮室既如諸侯制案詩斯干云西南其戶箋云路寢制如明堂是宣王之時在鎬京而云路寢制如明堂則西都宮室如明堂也故張逸疑而致問鄭荅之云周公制于土中洛誥云王入大室裸是顧命成王崩於鎬京承先王宮室耳宣王承亂又不能如周公之制如鄭此言則成王崩時因先王舊宮室至康王已後所營依天子制度至宣王之時承亂之後所營宮室還依天子制度路寢如明堂也不復能如周公之時先王之宮室也若然宣王之後路寢制如明堂案詩王風右招我由房鄭荅張逸云路寢房中所用男子而路寢又有左右房者劉氏云謂路寢下之燕寢故有房也熊氏云平王微弱路寢不復如明堂也異義明堂制今禮戴說禮盛德記曰明堂自古有之凡

有九室室有四戶八牖三十六戶七十二牖以草蓋屋上圓下方所以朝諸侯其外名曰辟雍明堂月令書說云明堂高三丈東西九仞南北七筵上圓下方四堂十二室室四戶八牖官方三百步在近郊近郊三十里講學大夫淳于登說明堂在國之陽丙巳之地三里之外七里之內而祀之就陽位上圓下方八窓四闕布政之宮周公祀文王於明堂以配上帝上帝五精之帝大微之庭中有五帝座星其古周禮孝經說明堂文王之廟夏后氏世室殷人重屋周人明堂東西九筵筵九尺南北七筵堂崇一筵五室凡室二筵蓋之以茅謹案今禮古禮各以其義說說無明文以知之玄之聞也禮戴所云雖出盛德記及其下顯與本異章九室三十六戶七十二牖似秦相呂不韋作春秋時說者所益非古制也四堂十二室字設本書云九室十二堂淳于登之言取義於援神契援神契說宗祀文王於明堂以配上帝曰明堂者上圓下方八窓四闕布政之宮在國之陽帝者諦也象上可承五精之神五精之神實在

大微於辰爲已是以登云然今說立明堂於已由此爲也
 水木用事交於東北木火用事交於東南火土用事交於
 中央金土用事交於西南金水用事交於西北周人明堂
 五室帝一室合於數如鄭此言是明堂用淳于登之說禮
 戴說而明堂辟廱是一古周禮孝經說以明堂爲文王廟
 又僖五年公既視朔遂登觀臺服氏云人君入大廟視朔
 告朔天子曰靈臺諸侯曰觀臺在明堂之中又文二年服
 氏云明堂祖廟並與鄭說不同者案王制云小學在公
 宮南之左大學在郊又云天子曰辟廱辟廱是學也不得
 與明堂同爲一物又天子宗廟在雉門之外孝經緯云明
 堂在國之陽又此云聽朔於南門之外是明堂與祖廟別
 處不得爲一也孟子云齊宣王問曰人皆謂我毀明堂孟
 子對曰夫明堂者王者之堂也王欲行王政則勿毀之矣
 是王者有明堂諸侯以下皆有廟又知明堂非廟也以此
 故鄭皆不用具於鄭駁異義也云每月就其時之堂而聽
 朔焉者月令孟春居青陽左个仲春居青陽大廟季春居

青陽右个以下所居各有其處是每月就其時之堂也云
卒事反宿路寢亦如之者路寢既與明堂同制故知反居
路寢亦如明堂每月異所反居路寢謂視朔之一日也其
餘日即在燕寢視朝則恒在路門外也云閏月非常月也
者案文六年云閏月不告月猶朝于廟公羊云不告月者
何不告朔也曷爲不告朔天無是月也閏月矣何以謂之
天無是月是月非常月也何休云不言朔者閏月無告朔
禮也穀梁之義與公羊同左氏則閏月當告朔案異義公
羊說每月告朔朝廟至于閏月不以朝者閏月殘聚餘分
之月無正故不以朝經書閏月猶朝廟譏之左氏說閏以
正時時以作事事以厚生生民之道於是乎在不告閏朔
棄時政也許君謹案從左氏說不顯朝廟告朔之異謂朝
廟而因告朔故鄭駁之引堯典以閏月定四時成歲閏月
當告朔又云說者不本於經所譏者異其是與非皆謂朝
廟而因告朔似俱失之朝廟之經在文六年冬閏月不告
月猶朝於廟辭與宣三年春郊牛之口傷改卜牛牛死乃

不郊猶三望同言猶者告朔然後當朝廟郊然後當三望
今廢其大存其細是以加猶譏之論語曰子貢欲去告朔
之餼羊周禮有朝享之禮祭然則告朔與朝廟祭異亦明
矣如此言從左氏說又以先告朔而後朝廟鄭以公羊閏
月不告朔爲非以左氏告朔爲是二傳皆以先朝廟而因
告朔二者皆失故鄭云其是與非皆謂朝廟而因告朔俱
失之也鄭必知告朔與朝廟異者案天子告朔於明堂其
朝享從祖廟下至考廟故祭法云曰考廟曰王考廟皆月
祭之是也又諸侯告朔在大廟而朝享自皇考至考故祭
法云諸侯自皇考以下皆月祭之是告朔與朝廟不同又
天子告朔以特牛諸侯告朔以羊其朝享各依四時常禮
故用大牢故司尊彝朝享之祭用虎彝雖彝大尊山尊之
等是其別也云聽其朔於明堂門中還處路寢門終月者
以閏非常月無恒居之處故在明堂門中案大史云閏月
詔王居門終月是還處路寢門終月謂終竟一月所聽之
事於一月中耳於尋常則居燕寢也故鄭注大史云於文

王在門謂之閏是閏月聽朝於明堂門反居路寢門皇氏云明堂有四門即路寢亦有四門閏月各居其時當方之門義或然也云凡聽朝必以特性告其帝及神配以文王武王者論語云告朔之餼羊注云天子特牛與以其告朔禮略故用特牛案月令每月云其帝其神故知告帝及神以其在明堂之中故知配以文王武王之主亦在明堂以況配五帝或以武王配五神於下其義非也

皮弁以日視朝遂以食日中而餽奏

而食日少牢

餽食朝之餘也奏奏樂也

朔月大牢五飲上

水漿酒醴醢

上水水為上餘其次之

卒食玄端而居

天子

服玄端燕居也

動則左史書之言則右史書之

其書春秋尚書

其存者

御瞽幾聲之上下

瞽樂人也幾猶察也察其哀樂

年不順

成則天子素服乘素車食無樂

自賤損也

疏

正義曰此

一節明天子每日視朝皮弁食之禮遂以食者既著皮弁視朝遂以皮弁而朝食所以敬養身體故著朝服日中而餽者至日中之時還著皮弁而餽朝之餘食奏而食者言餽餘之時奏樂而食餽尚奏樂即朝食奏樂可知也朔月大牢者以月朔禮大故加用大牢案鄭志趙商問膳夫云王日一舉鼎十有二物皆有俎有三牲備商案玉藻天子之食日少牢朔月大牢禮數不同請問其說鄭荅云禮記後人所集據時而言或諸侯同天子或天子同諸侯等所施不同故鄭據王制之法與周異者多當以經為正如鄭此言記多錯雜不與經同案王制云諸侯無故不殺牛及楚語云天子舉以大牢祀以會孔晁云四方來會助祭也又云諸侯舉以特牛祀以大牢大夫舉以特牲祀以少牢士食魚炙祀以特牲庶人食菜祀以魚此等與周禮及玉藻或合或否異人之說皆不可以禮論案周禮大司樂云王六食令奏鍾鼓鄭注云大食朔月月半是也周禮六飲此以下

五飲亦非周法也

注

其書春秋尚書其存者

正義曰經

云動則左史書之春秋是動作之事故以春秋當左史所書
左陽陽主動故記動經云言則右史書之尚書記言誥之事
故以尚書當右史所書右是陰陰主靜故也春秋雖有言因
動而言其言少也尚書雖有動因言而稱動亦動爲少也周
禮有五史有內史外史大史小史御史無左史右史之名者熊
氏云案周禮大史之職云大師抱天時與大師同車又襄二
十五年傳曰大史書曰崔杼弑其君是大史記動作之事
在君左廂記事則大史爲左史也案周禮內史掌王之八
枋其職云凡命諸侯及孤卿大夫則策命之僖二十八年
左傳曰王命內史叔興父策命晉侯爲侯伯是皆言誥之
事是內史所掌在君之右故爲右史是以酒誥云矧大史
友內史友鄭注大史內史掌記言記行是內史記言大史
記行也此論正法若其有闕則得交相攝代故洛誥史逸
命周公伯禽服虔注文十五年傳云史佚周成王大史襄
三十年鄭使大史命伯石爲卿皆大史主爵命以內史闕

故也以此言之若大史有闕則內史亦攝之案觀禮賜諸公奉篋服大史是右者彼亦宣行王命故居右也此論正法若春秋之時則特置左右史官故襄十四年左史謂魏莊子昭十二年楚左史倚相藝文志及六藝論云右史記事左史記言與此正反於傳記不合其義非也御瞽幾聲之上下御者侍也以瞽人侍側故云御瞽幾聲之上下幾察也瞽人審音察樂聲上下哀樂若政和則樂聲樂政酷則樂聲哀察其哀樂防君之失天子素服乘素車者此由年不順成則天子恒素服素車食無樂也若大札大災則亦素服故司服云大札大荒大裁素服此是天子諸侯罪己之義故素服此素服者謂素衣故下文諸侯年不順成君衣布與此互文也若其臣下即不恒素服雖助君禱請之時乃素耳故司服云士服玄端素端注云素端者為札荒有所禱請也諸侯玄端以祭祭先君也端亦當為冕字之誤也諸侯祭宗廟之服唯魯與天子同裨冕以朝

朝天子也裨冕公衮
候伯鷩子男毳也

皮弁以聽朔於大廟天子也

朝服以日視朝於內朝

朝服冠玄端素裳也此內朝
路寢門外之正朝也天子諸

候皆

朝辨色始入

群臣也入應門
也辨猶正也別也

君日出而視

之退適路寢聽政使人視大夫大夫退然

後適小寢釋服

小寢燕寢也
釋服服玄端

又朝服以食特牲

三俎祭肺

食必復朝服所以敬
養身也三俎豕魚腊

夕深衣祭牢肉

祭牢

肉異於始殺也天子言日中諸候言
夕天子言餼諸候言祭牢肉互相挾

朔月少五俎四簋

五俎加羊與其腸胃也朔月四
簋則日食梁稻各一簋而已

子卯稷食菜羹

忌日
貶也

夫人與君同庖疏

諸侯至同庖 正義曰此一節論諸侯自祭宗廟及朝天子自

視朝食飲牢饌之禮與天子不同之事

注祭先至子同

正義曰知祭先君者與上天子龍卷以祭其文相類故

知祭先君也云端亦當爲冕者以玄端賤於皮弁下文皮

弁聽朔於大廟不應玄端以祭先君故知亦當爲玄冕云

唯魯與天子同者案明堂位云君卷冕立于阼夫人副褱

立于房中是也熊氏云此謂祭文王周公之廟得用天子

之禮其祭魯公以下則亦玄冕故公羊云周公白牝魯公

駢牝群公不毛是魯公以下與周公異也二王之後祭其

先王亦是用以上之服二王之後不得立始封之君廟則

祭微子以下亦玄冕 注朝天至毳也 正義曰知朝天

子者案觀禮云侯氏禕冕鄭注禕之爲言埤也天子六服

大裘爲上其餘爲埤是以摠云禕冕 注皮弁下天子也

正義曰以天子用玄冕諸侯用皮弁故云下天子也此

諸侯聽朔於大廟熊氏云周之天子于洛邑立明堂唯大

享帝就洛邑耳其每月聽朔當在文王廟也以文王廟爲明堂制故也此聽朔於大廟穀梁傳云謂侯受乎禰廟與禮乖非也凡每月以朔告神謂之告朔即論語云告朔餼羊是也則于時聽治此月朔之事謂之聽朔此王藻文是也聽朔又謂之視朔文十六年公四不視朔是也告朔又謂之告月文六年閏月不告月是也行此禮天子於明堂諸侯於大祖廟訖然後祭於諸廟謂之朝享司尊彝云朝享是也又謂之朝廟文六年云猶朝于廟是也又謂之朝正襄二十九年釋不朝正于廟是也又謂之月祭祭法云皆月祭之是也

注朝服至三朝 正義曰案王制云周人玄衣而養老注云玄衣素裳天子之燕服爲諸侯朝服彼注云玄衣則此玄端也若以素爲裳則是朝服此朝服素裳皆得謂之玄端故論語云端章甫注云端玄端諸侯朝服若上士以玄爲裳中士以黃爲裳下士以雜色爲裳天子諸侯以朱爲裳則皆謂之玄端不得名爲朝服也云此內朝路寢門外之正朝也者以下文云君日出而視

之退適路寢故知此路寢門外朝也云天子諸侯皆三朝者大僕云掌燕朝之服位注云燕朝朝於路寢之庭是一也司士云正朝儀之位注云此王日視朝事於路門外是二也朝士云掌外朝之灋注云外朝在庫門之外臯門之內是三也諸侯三朝者文王世子云公族朝於內朝路寢朝是一也世子又云其在外朝司士為之與此視朝於內朝皆謂路寢門外每日視朝是二也此但云內朝對中門外朝謂為內也文王世子云外朝者對路寢庭為外此據路寢門外而稱內朝明知中門之外別更有朝也諸侯三門是中門外大門內又有外朝是三朝也已具於文王世子疏注羣臣至門也正義曰應門之內則路門之外謂尋常諸侯中門為應門外有臯門若魯則庫雉路入者則入雉門也注釋服服玄端正義曰此經文據君故服玄端也若卿大夫釋服服深衣也注食必至魚腊注義曰此經云朝服以食謂釋服之後將食之時又者又如朝時服朝服以食然則上天子云遂以食者亦退於小寢

釋服至將食之時又朝服互相明也云三俎豕魚腊者約
特牲禮故知豕魚腊也

注

祭牢至相挾

正義曰早起

初殺之時將食先祭肺以周人重肺至夕將食之時切牢
肉爲小段而祭之故云異於始殺也云互相挾者以天子
言日中諸侯亦當有日中諸侯言夕則天子亦言夕天子
言餽則諸侯亦餽諸侯言祭牢肉則天子亦祭牢肉以諸
侯之夕挾天子日中故云互相挾

注

五俎至而已

正

義曰知五俎加羊與其腸胃者約少牢禮五俎但少牢祭
神加羊與膚爲五此皆人君所食無膚而有腸胃也云朔
月四簋則日食梁稻各一簋而已者以朔月四簋故知日
食二簋以梁稻美物故知各一簋詩云每食四簋注云四
簋黍稷稻粱是簋盛稻粱也且此文諸本皆作簋字皇氏
以注云稻粱以簋宜盛稻粱故以四簋爲四簋未知然否
以此而推天子朔月大牢當六簋黍稷稻粱麥苽各一簋
若盛舉則八簋故小雅陳饋八簋當加以稻粱也案公食
大夫禮簋盛稻粱是用簋者以其常食異於禮食又禮食

其數更多故公食下大夫黍稷六簋上大夫八簋其稻粱上下大夫俱兩簋又聘禮饗餼上大夫堂上八簋東西夾各六簋是其數多也其諸侯案掌客上公簋十侯伯八子男六簋則俱同十二其祭禮則天子八簋故祭統云八簋之實注云天子之祭八簋然則諸侯六簋祭統諸侯禮云四簋黍稷者見其徧於廟中不云六簋二簋留之厭故也大夫祭則當四乾少牢禮是也士則二乾特牲禮是也其諸侯與大夫食亦四簋故秦詩云每食四簋熊氏更說卿大夫以下日食及朔食牲牢及乾數多少上下差別並無明據今皆略而不言也

注

忌日貶也

正義曰紂以甲

子死桀以乙卯亡以其無道被誅後王以為忌日稷食者食飯也以稷穀為飯以菜為羹而食之故云忌日貶也

注

不特殺也 正義曰諸侯夫人與君同

庖則后亦與王同庖舉諸侯天子可知

君無故不

殺牛大夫無故不殺羊士無故不殺犬豕

故謂祭祀之屬

君子遠庖廚凡有血氣之類弗身踐

也

踐當為翦聲之誤也翦猶殺也

至于八月不雨君不舉

為旱

變也此謂建子之月不雨盡建未月也春秋之義周之春夏無雨未能成災至其秋秀實之時而無雨則雩雩而得

之則書雩喜祀有益也雩而不得則書旱明災成也

疏

正義曰自此以下終篇末或論天子或論諸侯或論

之

大夫士所為尊卑之異隨文為義無復揔科今各隨文解

注故謂祭祀之屬正義曰此君非一據作記之時

言之此君得兼天子以天子日食少牢若據周禮正法言之此君唯據諸侯以天子日食大牢無故得殺牛也大略

此文謂諸侯也

大夫無故不殺羊者亦諸侯大夫也若

天子大夫有故得殺牛故知此據諸侯大夫言祭祀之屬者若待賓客饗食亦在其中故云祭祀之屬

注

踐當為

翦

正義曰此謂尋常若祭祀之事則身自為之故楚語

云禘郊之事天子自射其牲又刲羊擊豕是也注為旱至成也正義曰此謂建子之月至建未月也者案文公

十年自正月不雨至于秋七月傳云不曰旱不為災者據周正言之既言秋七月不雨云不為災明八月不雨則為

災此據文十年自正月不雨故云謂建子之月也案僖公三年傳云自十月不雨至于五月不曰旱不為災文十三

年自正月不雨至于秋七月此經直云至于八月不雨不云初不雨之月鄭必知自建子之月者以周之歲首陽氣

生養之初又文十年有自正月不雨之文故據而為說云雩而得之則書雩喜祀有益也雩而不得則書旱明災成

也者案僖十一年穀梁傳云得雨曰雩不得雨曰旱范甯云喜其有益也則春秋經諸書雩皆是得雨不得雨曰旱

者僖二十一年夏大旱宣七年秋大旱是也然傳云至秋七月不雨不為災僖二十一年夏大旱則是周之夏也建

卯建辰建巳之月而書大旱者至秋仍不雨而追書于夏故云夏大旱

年不順成君衣

布摺本關梁不租山澤列而不賦土功不

與大夫不得造車馬

皆為凶年變也君衣布者謂若衛文公大布之衣大

帛之冠是也摺本去珽茶佩士笏也士以竹為笏飾本以象關梁不租此周禮也

疏

正義曰前經論天子素服素車此論諸侯及大夫遭

也雖不賦猶為之禁不得非時取也造謂作新也

凶年之禮

君衣布者謂身衣布衣也摺本者本謂士笏

以竹為之以象飾本君遭凶年摺插士笏故云摺本

關梁不租者關謂關門梁謂津梁租謂課稅以其凶年故不

課稅此周禮也則雖非凶年亦不課稅

山澤列而不賦

者列謂遮列但遮列人不得非時而入恐有損傷於物不

賦斂也

土功不興者謂人食不得蒲二鬴之歲若人食

二鬴則猶興土功也故均人云豐年旬用三日中年用二

日無年用一日廩人云人食四鬴上三鬴中二鬴下是無

年猶有一日之役

注

若衛至不征

正義曰案春秋閔

二年狄入衛後衛文公大布之衣大帛之冠為國之破亂

與凶年同故引之云般則關恒譏而不征者案王制云關

譏而不征譏謂呵察但呵察其非不征稅王制是般禮故

云般

也

卜人定龜

謂靈射之屬所當用者

史定墨

視兆

君

定體

視兆所得也周公曰體王其無害

疏

正義曰此一經論君卜龜所定之異定龜者案龜人

云天龜曰靈屬地龜曰繹屬東龜曰果屬西龜曰雷屬南

龜曰獵屬北龜曰若屬各以其方之色與其體辨之鄭云

屬言非一也色謂天龜玄地龜黃東青西白南赤北黑也

龜俯者靈仰者繹前弁果後弁獵左倪雷右倪若定之者

定其所當用謂卜祭天用靈祭地用射射則繹也春用果

秋用雷之屬也

史定墨者凡卜必以墨畫龜求其吉兆

若卜從墨而兆廣謂之卜從周禮占人注云墨兆廣也但

圻是從墨而裂其旁歧細出謂之為豐圻故占人云君占

體大夫占色史占墨卜人占圻注云體兆象也色兆氣也
墨兆廣也圻兆豐也是大圻稱為兆廣小圻稱為兆豐也
君定體者謂五行之兆象既得兆體君定其體之吉凶
尊者視大卑者視小

注

視兆至無害

正義曰此尚書

金縢文以武王有疾周公代其
請命卜得吉兆周公為此言也

君羔辟虎犢

辟覆
苓也

犢讀皆如直道而行之直
直謂緣也此君齊車之飾

大夫齊車鹿辟豹犢

朝車士齊車鹿辟豹犢

臣之朝車與
齊車同飾

疏正
義

曰此一節論君及大夫士等齊車朝車所飾之物尊卑不
同

注

辟覆苓也犢論皆如直道而行之直直謂緣也此

君齊車之飾 正義曰苓即式也但車式以苓為之有豎
者有橫者故考工記注云轡式之犢者衡者也此云辟覆
苓詩大雅鞞鞞淺犢毛傳云犢覆式犢即辟也又周禮巾
車作禊但古字耳三者同也知辟是覆苓者少儀云負良

綏申之面批諸辟是也云牘讀皆如直道而行之直者案
論語云三代之所直道而行故讀如之云此君齊車之飾
者以大夫及士皆云齊車故知此君齊車之飾此經或有
齊字者誤也若有齊字鄭不須此注皇氏云君謂天子諸
侯也詩云淺幘以虎皮為幘彼據諸侯與玄衮赤舄連丈
則亦齊車之飾此用羔辟者當是異代禮或可詩傳據以
虎皮飾辟謂之淺幘也注臣之至同飾正義曰據
此注言之則君之朝車與齊車異飾也但無文以言之君

子之居恒當戶

鄉明

寢恒東首

首生氣也

若有

疾風迅雷甚雨則必變雖夜必興衣服

冠而坐

敬天之怒

日五盥沐稷而醑梁櫛用櫛

櫛髮晞用象櫛進機進羞工乃升歌

晞乾也沐

饋必進機作樂盈氣也更言進羞明為羞籩豆之實浴用二巾上絺下綌

刷去垢也出杆履蒯席連用湯杆浴器也蒯席澁便於洗足也連猶

釋也履蒲席衣布晞身乃屨進飲進飲亦將盈氣也

適公所宿齊戒居外寢沐浴史進象笏書

思對命思所思念將以告君者也對所以對君者也命所受君命也書之於笏為失忘也既

服習容觀玉聲玉佩乃出揖私朝輝如也登

車則有光矣私朝自大夫家之朝也揖其臣乃行疏正義曰此一節明卿大夫

以下所居處及盥浴并將朝君之義日五盥者盥洗手也沐稷而饋梁者沐沐髮也饋洗面也取稷梁之潘汁

用將洗面沐髮並須滑故也然此大夫禮耳又人君沐醕者梁也 櫛用禪櫛者禪白理木也櫛梳也沐髮為除垢膩故用白理澁木以為梳 髮旃用象櫛者旃乾燥也沐已燥則髮澁故用象牙滑櫛以通之也 進機進羞者機謂酒也故少儀注云沐而飲酒曰機是沐畢必進機酒又進羞羞謂羞籩羞豆之實知非庶羞者庶羞為食而設今進機則飲酒之進為飲設羞故知是羞籩羞豆是以籩人羞籩之下注引少牢主人酬尸宰夫羞房中之羞是酬尸之後而有羞籩羞豆也故知非庶羞是進羞也 工乃升歌者入進羞之後樂工乃升堂以琴瑟而歌所以進機進羞乃歌者以其新沐體虛補益氣也皇氏云進機謂殯與小儀注違非其義也 出杆者杆浴之盆也浴時入盆中浴浴竟而出盆也 履蒯席者履踐也蒯菲草席澀出杆而腳踐履澀草席上刮去垢也 連用湯者連猶釋也言釋去足垢而用湯爛也 史進象笏者史謂大夫亦有史官也能氏云案下大夫不得有象笏有象字者誤也能氏

又解與明山賓同云有地大夫故用象皇氏載諸所解者
不同以此爲勝故存之耳 書思對命者思謂意所思念
將以告君對謂君有所問以事對君命謂所受君命將以
奉行以笏書此三事故云書思對命也 既服習容觀玉
聲者既服著朝服已竟也服竟而私習儀容又觀容聽已
佩鳴使玉聲與行步相中適玉佩玉也 乃出者習儀竟
而出也 揖私朝輝如也者私朝大夫自家之朝也輝光
儀也大夫行出至已之私朝揖其屬臣輝如也 登車則
有光矣者揖竟出登所乘之 天子摺珽方正於天

下也

此亦笏也謂之珽珽之言珽然無所屈也或謂之大圭長三尺杼上終葵首終葵首者於杼上又廣

其首方如椎頭是謂無所屈後則恒直相玉書曰珽玉六寸明自炤

諸侯茶前訕後

直讓於天子也

茶讀爲舒遲之舒舒懦者所畏在前也訕謂園殺其首不爲椎頭諸

侯唯天子誄焉 大夫前誄後誄無所不讓也

是以謂笏爲茶

大夫奉君命出入者也上有天

疏

正義曰此一節論天子以下笏制不同之事

而布於天下 諸侯茶前誄後直者前誄謂圜殺其首後直

下角正方 讓於天子也者降讓於天子故前誄也 大

夫前誄後誄無所不讓也者大夫上有天子下有已君上

下皆湏謙退故云無所不讓也 **注**此亦至自炤 正義

曰以下文云笏天子以球玉故知此珽亦笏也云或謂之

大圭長三尺杼上終葵首者或者玉人文也玉人注大圭

或謂之珽或者或此文也云終葵首者於杼上又廣其首

方如椎頭者終葵首謂椎頭也故許慎說文玉椎擊也齊

人謂之終葵首言所杼之上又廣其首廣於珽身頭頭方

如椎頭故云終葵首引相玉書珽玉六寸明自炤者證珽

是玉也餘物皆光炤於外此班玉光自炤於內內含明也

注茶讀至為茶

正義曰舒懦者所畏在前也者案說文

懦柔也所畏在前多舒緩故云舒懦者所畏在前也**注**又

殺其下而圜正義曰知又殺其下者以經云前後誄故

知又殺其下故下注云大夫士又杼其下首廣二寸半是

也侍坐則必退席不退則必引而去君之

黨

引卻也黨鄉之細者退謂旁側也辟君之親黨也

登席不由前為躡

席

升必由下也

徒坐不盡席尺

示無所求於前不忘謙也

讀書

食則齊豆去席尺

讀書聲當聞尊者食為汚席也

若賜之

食而君客之則命之祭然後祭

雖見賓客猶不

敢備禮也侍

先飯辯嘗羞飲而俟

俟君食而後食

也君將食臣先嘗之忠孝也 若有嘗羞者則俟君之食然

後食飯飲而俟 不祭侍食不敢備禮也不嘗羞膳宰存也飯飲利將食也 君

命之羞羞近者 辟貪味也 命之品嘗之然後唯

所欲 必先徧嘗之 凡嘗遠食必順近食 從近始也 君

未覆手不敢殮 覆手以循耳已 食也殮勸食也 君既食又

飯殮 不敢先君飽 飯殮者三飯也 臣勸君食如是可也 君既

徹執飯與醬乃出授從者 食於尊者之前當親徹也 疏 正義

曰自此以下至士側專用禁此一節廣論臣之侍坐於君之儀并顯君賜食賜酒肉飲之節兼明與凡人飲食之禮

侍坐則必退席者若側旁有別席則退就側席 不退則必引而去君之黨者不退謂旁無別席可退或雖有別席君不命之使退則必引而去君之黨黨是鄉之細者而屬於鄉居在鄉之旁側今借之爲喻言臣侍君坐若不退席則引而卻去君之旁側也黨謂君之親黨則君命令與君之親黨同席則卑謙卻引而去離君之親黨在君之親黨之下而坐故注云辟君之親黨也 登席不由前爲躡席者庾云失節而踐爲躡席應從於下升若由前升是躡席也案鄉飲酒禮賓席于戶西以西頭爲下主人席于阼階介席于西階皆北頭爲下賓升席自西方注云升由下也又鄉飲酒記云主人介凡升席自北方降自南方注云席南上升由下降由上由便則主人升席自北方降席自南方案鄉飲酒禮主人受獻自席前適阼階是主人降席自北方者以其受獻正禮須席末啐酒因從北方降也故注云啐酒席末因從此方降由便也若其尋常無事則升由下而降由上若賓則升降皆由下也 徒坐不盡席尺

者徒空也空坐謂非飲食及講問時也不盡席之前畔有餘一尺示無所求於前不忘謙也讀書食則齊者讀書聲則當聞尊者食爲其汙席坐則近前與席畔齊豆去席尺者解食所以近前之意以設豆去席一尺不得不前坐就豆或云讀書聲當聞尊者故人頭臨前一尺食爲汚席人頭臨豆與豆齊故云齊豆其豆徑一尺與去席尺亦一也若賜至從者正義曰此一節論人君賜食之禮而君客之則命之祭然後祭者此廣明侍坐法也祭祭先也禮敵者共食則先祭若降等之客則後祭若臣侍君而賜之食則不祭若賜食而君以客禮待之則得祭雖得祭又先須君命之祭後乃敢祭也先飯辯嘗羞者飯食也謂君未食而臣先食徧嘗羞膳也所以爾者示猶行臣禮爲先嘗食之義也飲而俟者禮食未殮必前啜飲以利滑喉中不令澁噎君旣未殮故臣亦不敢殮而先嘗羞嘗羞畢而歡飲以俟君殮臣乃敢殮若有嘗羞者此謂臣侍食得賜食而非君所客者也旣不得爲客故不得祭亦

不得嘗罰君若使膳宰自喜羞故云有嘗羞者也 則俟君之食然後食者既不祭不嘗則俟君食後已乃食也 飯飲而俟者飯飲者飲之也雖不嘗羞亦先飲飲則利喉以俟君也 君命之羞羞近者猶是君所不客者也雖君已食已乃後食而猶未敢食羞故又須君命雖得君命又猶未自專嘗先食近其前者一種而止也所以然者若越次前食遠者則爲貪好味也 命之品嘗之然後唯所欲者品猶徧也既未敢越次多食故君又命徧嘗而已乃徧嘗之後則隨已所欲不復次第也 凡嘗遠食必順近食者客與不客悉皆如此故云凡也意在嘗遠者且從近始辟貪味也 君未覆手不敢殮者侍食者悉然也覆手者謂食飽必覆手以循尸邊恐有穀粒污著之也殮謂用飲澆飯於器中也禮食竟更作三殮以勸助令飽實使不虛也 君既食又飯殮者既猶畢竟也飯殮也君食畢竟而又殮則臣乃敢殮明不先君而飽也 飯殮者三飯也者三飯並謂殮也謂三度殮也 君既徹者既已也謂君食竟

已徹饌也 執飯與醬乃出授從者謂君饌已徹則臣乃
自徹已饌以授從者飯醬是食之主故自執之此食合已
之所得故授從者 **注**食於至徹也 正義曰此經食不
客故君既徹之後執飯與醬乃出授從者若君與已禮食
則但親徹之不敢授已之從者也故公食大夫禮賓北面
坐取梁與醬以降西面坐奠于階西注云不以出者非所
當得是也若非君臣但降等者則徹以授主人相者故曲
禮云客若降等又云卒食客自前跪徹飯齊以授相者注
云謙也相者主人贊饌者以非已所得故授主人之相若
賓主敵者則徹於西序端故公食大夫禮云大夫自相食
徹于西序端 **注**云亦親徹是也 **凡侑食不盡食食於人不飽** 謙

唯水漿不祭若祭為已僕卑

水漿非盛饌也 已猶大也祭之

為大有所畏迫 臣於君則祭之

疏

正義曰此一節以上文明侍君之食 因明凡人相敵為食之禮 凡侑食

不盡食者此明勸食於尊者之法 食於人不飽者此通
包食於尊者及禮敵之人所以不盡食不飽者謙退不敢
自足 唯水漿不祭者豈食於禮敵之人所設水漿不以祭
先 若祭為已係卑者已犬也係厭也此解不祭水漿之
意若祭水漿為大厭降卑微有所畏迫也 注臣於君則
祭之 正義曰所以知者案公食大夫禮宰夫執觶漿以
進賓受坐祭遂
飲故知之也 君若賜之爵則越席再拜稽首

受登席祭之飲卒爵而俟君卒爵然後授

虛爵 不敢先 君子之飲酒也受一爵而色

洒如也 洒如肅敬貌
洒或為察 二爵而言言斯 言言和
敬貌斯

猶耳 禮已三爵而油油 油油說
敬貌 以退 禮飲過
三爵則

敬殺可以去矣退則坐取屨隱辟而后屨坐左納右

坐右納左隱辟俛逡巡凡尊必上玄酒不忘古也

唯君面尊面猶鄉也燕禮曰司官尊于東楹之西兩方壺左玄酒南上公尊瓦大兩有豐在尊

上南南唯饗野人皆酒飲賤者不備禮大夫側尊用枌

士側尊用禁枌斯禁也無足有似於枌是以言枌疏正義曰此二節論臣於君

前受賜爵之禮飲卒爵而俟君卒爵然後授虛爵者俟君飲盡已乃授虛爵與相者也必在君前先飲者亦示其賤者先即事後授虛爵者示不敢先君盡爵然此謂朝夕侍者始得爵也若其大禮則君先飲而臣後飲故曲禮云長者舉未酬少者不敢飲燕禮公卒爵而後飲是也此經云再拜稽首受於尊所曲禮云拜受於尊所此經先再拜

稽首而後受燕禮興受爵降下奠爵再拜稽首則先受而後再拜與此不同者熊氏云文雖不同互以相備皆先受而後再拜今刪定以爲燕禮據大飲法故先受爵而後奠爵再拜此經據朝夕侍君而得賜爵故再拜而後受必知此經非饗燕大飲者以此下云受一爵以至三爵而退明非大饗之飲也若燕禮非唯三爵而已受一爵而色洒如也者言初受一爵而顏色肅敬洒如也如者如此義謂如似洒然故論語云申申如也天天如也及踧踖如也皆謂容色如此二爵而言言斯者此事上恒敬旣受二爵顏色稍和故言言斯斯耳也耳是助句之辭皇氏云讀言爲闇義亦通也禮已三爵而油油者言侍君小燕之禮唯已上三爵顏色和說而油油說敬故春秋左氏傳云臣侍君宴過三爵非禮也退則坐取屨隱辟而后屨者坐跪也初跪說屨堂下爲敬故退而跪取屨起而逡巡隱辟而著之坐左納右者納猶著也若坐左膝則著右足之屨若坐右膝則著左足之屨唯君面尊者面鄉也謂人君

燕臣子專其恩惠故尊鼻鄉君故引燕禮燕臣子之法以解之若兩君相見則尊鼻於兩楹間在賓主之間夾之不得面鄉尊也 唯饗野人皆酒者饗野人謂蜡祭時也野人賤不得比士又無德又可飽食則宜貪味故唯酒而無水也 大夫側尊用桮士側尊用禁者側謂旁側在賓主兩楹間旁側夾之又東西橫行異於君也君側尊近於君南北列之則燕禮所云者是也大夫士側尊者鄉飲酒義云尊於房戶之間賓主共之也據大夫士也若一尊亦曰側尊故士冠禮云側尊一甌醴在服北注云無偶曰側與此側別 **注**桮斯至言桮 正義曰案鄉飲酒禮設兩壺于房戶間有斯禁彼是大夫禮此云大夫用桮故知桮是斯禁也案持牲禮注云桮今木輦上有四周下無足今斯禁亦無足故云有似於桮是以言桮也

始冠緇布冠自諸侯下達

冠而敝之可也

本大古耳非時王之法服也

玄冠朱組纓

天子之冠也緇布冠續綏諸侯之冠也

皆始

冠之冠也立冠委貌也諸侯緇布冠有綏尊者飾也續或作繪綏或作綏

立冠丹組纓諸

侯之齊冠也立冠綦組纓士之齊冠也

言齊

時所服也四命以上齊祭異冠

縞冠玄武子姓之冠也

謂父有喪服子為之

不純吉也武冠卷也古者冠卷殊

縞冠素紕既祥之冠也

紕緣也

紕讀如埤益之埤既祥之冠也已祥祭而服之也間傳曰大祥素縞麻衣

垂綏五寸惰游

之士也

惰游罷民也亦縞冠素紕凶服之象也垂長綏明非既祥

立冠縞武不

齒之服也

所放不帥教者

居冠屬武

謂燕居冠也著冠於武少威儀

自天子下達有事然後綏

燕無事者去飾

五十

不散送

送喪不散麻始衰不備禮

親沒不髦

去為子之飾

大

帛不綏

帛當為白聲之誤也大帛謂白布冠也不綏凶服去飾

玄冠紫綏

自魯桓公始也

蓋僭宋王者之後服也綏當用續

疏

正義曰自此至魯桓

公始也此一節廣論上下及吉凶冠之所用唯五十不散送及親沒不髦記者雜錄廁在其間始冠緇布冠者言

初加冠大夫士皆三加諸侯則四加其初加者是緇布冠自諸侯下達者自從也從諸侯下達於士始冠緇布冠

冠而敝之可也者言緇布冠重古始冠暫冠之耳非時王之服不復恒著冠而敝去之可也

正義曰知始冠之冠者以文承上始冠之下故知玄冠朱組纓是天子始冠也云諸侯緇布冠有綏尊者飾也者案

郊特牲及士冠記皆云其綏也吾未之聞謂大夫士也此云績綏諸侯之冠故云緇布冠有綏尊者飾也上云始冠緇布冠自諸侯下達則諸侯緇布冠可知更云緇布冠績綏諸侯之冠者爲綏起文也諸侯唯績綏爲異其頰頊青組纓等皆與士同

注言齊至異冠 正義曰言齊者兼祭祀之時故曲禮云立如齊謂祭祀時恐此齊亦兼祭祀故言齊時所服其祭諸侯則玄冕也云四命以上齊祭異冠者以諸侯玄冕祭玄冠齊孤則爵弁祭亦玄冠齊是齊祭異冠也必知孤亦玄冠齊者以諸侯尚玄冠齊明孤亦玄冠齊也其三命以下大夫則朝服以祭士則玄端以祭皆玄冠也此云玄冠綦組纓士之齊冠是齊祭同冠也其天子之士與諸侯上大夫同故深衣目錄云士祭以朝服謂天子之士也祭用朝服與諸侯大夫同然則天子大夫與諸侯孤同亦爵弁祭玄冠齊此是熊氏之說也皇氏以爲天子大夫與諸侯大夫同但朝服以祭便與鄭注四命以上齊祭異冠於文爲妨皇氏之說非也其天子之祭玄

冕祭則玄冠齊絺冕祭則玄冕齊以次差之可知也此亦熊氏說此云四命齊祭異冠者謂自祭也若助祭於君則齊祭同冠故鄭志荅趙商問云以雜記云大夫冕而祭於公弁而祭於己士弁而祭於公冠而祭於己是爲三命以下齊祭異冠何但四命以上也觀注似若但施於已祭不可通之也鄭荅云齊祭謂齊時一冠祭時亦一冠四命乃然大夫冕士弁而祭於君齊時服之祭時服之何以亦異如鄭此言是助祭齊祭同冠故云何以亦異若然士之助祭齊服應服爵弁而鄭注旅賁氏云王齊服服衮冕則士之齊服服玄端不服爵弁者熊氏云若士助王祭祀服爵弁若助王受朝觀齊服則服玄端義或然也

注

謂父至

卷殊

正義曰姓生也孫是子之所生故曰子姓云不純

吉也者武用玄玄是吉冠用縞縞是凶吉而雜凶故云不

純吉也卷用玄而冠用縞冠卷異色故云古者冠卷殊如

鄭此言則漢時冠卷共材

注

紕緣至麻衣

正義曰紕

緣邊者謂緣冠兩邊及冠卷之下畔其冠與卷身皆用縞

但以素緣耳縞是生綃而近吉當祥祭之時身著朝服首著縞冠以其漸吉故也不言以素爲紕故喪服小記云除成喪者朝服縞冠注云縞冠未純吉祭服也雜記曰祥主人之除也於夕爲期朝服鄭云祭猶縞冠未純吉雜記又云既祥雖不當縞者必縞鄭云縞祥祭之服據此兩經二注皆云祥祭縞冠若既祥之後微申孝子哀情故加以素紕以素重于縞也故此文云既祥之冠間傳曰大祥素縞麻衣檢勘經注分明如此而皇氏以爲縞重素輕祥祭之時以素爲冠以縞爲紕得冠名故云縞冠祥祭之後以縞爲冠以素爲紕亦紕得冠名而云素冠文無所出不知有何憑據也 垂綏五寸惰游之士也 正義曰此亦用既祥冠而加垂綏五寸也 **注**惰游至既祥 正義曰鄭知惰游罷民者與下不齒相連故知是周禮坐嘉石之罷民知亦縞冠素紕者以文承上縞冠素紕之下但垂綏爲異 **注**謂燕居冠也 正義曰燕居之冠屬武於冠冠武相連屬燕居率略少威儀故也又不加綏若非燕居則冠

與武別臨著乃合之有儀飾故也 **注**送喪至備禮 正

義曰始死三日之前要經散垂三日之後乃絞之至葬啓

殯已後亦散垂既葬乃絞五十既衰不能備禮故不散垂

及親沒不髦不關冠之義記者雜廁其間 **注**帛當至去

飾 正義曰知帛當為白者以雜記云大白冠緇布冠皆

不綌彼大白與緇布連文故知此大白謂白布冠也左傳

閔二年衛文公大布之衣大帛之冠白繒冠也與大布相

對與此異也 **注**蓋僭宋王者之後 正義曰知疑僭宋

者以祭周公用白牡乘大路是魯用殷禮故疑魯相公用

紫綌僭宋王者之後云綌當用纁者以上文云緇布冠纁

綌諸侯之 **朝玄端夕深衣深衣三祛** **謂大夫士**

冠故知也 **朝玄端夕深衣深衣三祛** **也三祛者**

謂要中之數也祛尺二寸圍之 **縫齊倍要** **縫紕也紕**

為二尺四寸三之七尺二寸 **縫齊倍要** **下齊倍要**

中齊丈四尺四寸 **衽當旁** **衽謂裳幅所交裂也凡衽者**

縫或為逢或為豐 **衽當旁** **或殺而下或殺而上是以小**

要取名焉衽屬衣則垂而放之屬
袂則縫之以合前後上下相變
袂可以回肘二尺

二寸長中繼揜尺其為長衣中衣則繼袂揜一尺若今褻矣深衣則緣而已袷

二寸也曲領祛尺二寸也袂口緣廣寸半也飾邊

以帛裏布非禮也中外宜相稱也冕服絲衣也中衣用素皮弁服朝服玄端

麻衣也中士不衣織織漆絲織之士衣漆繒也無君者不

貳采大夫去位宜服玄端玄裳衣正色裳間色謂冕服玄纁下非

列采不入公門列采正服振絺綌不入公門表

裘不入公門振讀為衿衿禪也表裘外衣也二者形且褻皆當表之乃出疏正義

曰自此以下至弗敢充也一節廣論衣服及裘裼襲之事
朝玄端夕深衣者謂大夫士早朝在私朝服玄端夕服
深衣在私朝及家也深衣三袪者袪謂袂末言深衣之
廣三倍於袂末縫齊倍要者齊謂裳之下畔要謂裳之
上畔言縫下畔之廣倍於要中之廣謂齊廣一文四尺四
寸要廣七尺二寸衽當旁者衽謂裳之交接之處當身
之畔袂可以回肘者袂上下之廣二尺二寸肘長尺二
寸故可以回肘也長中繼揜尺者謂長衣中衣繼袂之
末揜餘一尺袷二寸者袷謂深衣曲領廣二寸袷尺
二寸者袷謂深衣袂口謂口之外畔上下尺二寸也故注
云袷袂口也緣廣寸半者謂深衣邊以緣飾之廣寸半
也注謂大至二寸正義曰上文云君朝服日出而視
朝夕深衣祭牢肉此云朝玄端與君不同故知是大夫士
也以視私朝故服玄端若朝君之時則朝服也朝服其衣
與玄端無異但其裳以素耳若大夫莫夕蓋亦朝服其士
則用玄端故士冠禮注云玄端士莫夕於朝之服是也其

私朝及在家大夫士夕皆深衣也皇氏以爲此玄端是朝君之服若然朝禮君臣同服上文君朝服夕深衣此文與君無異鄭何得注云大夫士也恐皇氏之說非也云三之七尺二寸者案深衣云幅十有二以計之幅廣二尺二寸一幅破爲二四邊各去一寸餘有一尺八寸每幅交解之闊頭廣尺二寸狹頭廣六寸比寬頭嚮下狹頭嚮上要中十二幅廣各六寸故爲七尺二寸下齊十二幅各廣尺二寸故爲一丈四尺四寸

注衽謂至相變 正義曰衽謂

裳幅所交裂也者裳幅下廣尺二寸上闊六寸狹頭嚮上交裂一幅而爲之云凡衽者或殺而下或殺而上者皇氏云言凡衽非一之辭非獨深衣也或殺而下謂喪服之衽廣頭在上狹頭在下或殺而上謂深衣之衽寬頭在下狹頭在上云是以小要取名焉者謂深衣與喪服相對爲小要兩旁皆有此衽熊氏大意與皇氏同或殺而下謂朝祭之服耳云衽屬衣則垂而放之者謂喪服及熊氏朝祭之衽云屬裳則縫之以合前後者謂深衣之衽云上下相變

者上體是陽陽體舒散故垂而下下體是陰陰主收斂故縫而合之今刪定深衣之上獨得衽名不應假他餘服相對爲衽何以知之深衣衣下屬幅而下裳上屬幅而上相對爲衽鄭注深衣鉤邊今之曲裾則宜一邊而有也但此等無文言之且從先儒之義 **注**其爲至而已 正義曰繼袂揜一尺者幅廣二尺二寸以半幅繼續袂口揜餘一尺云深衣則緣而已者若長衣揜必用素而中衣揜或布或素隨其衣而然長中制同而名異者所施異故也裏中著之則曰中衣若露著之則曰長衣故鄭注深衣目錄素紕曰長衣有表謂之中衣 以帛裏布非禮也 若朝服用布則中衣不得用帛也皮弁服朝服玄端服麻衣也中衣用布三衣用麻麻即十五升布故中衣並用布也然云朝服又云玄端者朝服指玄衣素裳而玄端裳色多種或朱裳玄黃雜裳之屬廣言之也而小祥衰裏孰帛中衣者吉凶異故也 士不衣織 織者前染絲後織者此服功多色重故士賤不得衣之也大夫以上衣織染絲織之也

士衣染繒詩庶人得衣錦者禮不下庶人有經而等也故服錦衣下云居士錦帶者直以錦帶非爲衣也唐傳云古者有命民有飾車駢馬衣錦者非周法大夫以上得衣織衣而禮運云衣其澣帛謂先代禮尚質故也

注

大夫至

玄裳正義曰此謂大夫士去國三月之內服素衣素裳三月之後別服此玄端玄裳以經云不貳采是有采色但不貳耳采色之中玄最貴也

注

謂冕服玄上纁下

正

義曰玄是天色故爲正纁是地色赤黃之雜故爲閒色皇氏云正謂青赤黃白黑五方正色也不正謂五方閒色也綠紅碧紫駢黃是也青是東方正綠是東方閒東爲木木色青木刻土土黃並以所刻爲閒故綠色青黃也朱是南方正紅是南方閒南爲火火赤刻金金白故紅色赤白也白是西方正碧是西方閒西爲金金白刻木故碧色青白也黑是北方正紫是北方閒北方水水色黑水刻火火赤故紫色赤黑也黃是中央正駢黃是中央閒中央爲土土刻水水黑故駢黃之色黃黑也

注

振讀至乃出正

義曰案士昏禮云女從者畢袷玄彼注以袷為同此云袷禪者以振與袷聲相近袷字從衣故讀從袷蓋袷字得為同又得為禪故下曲禮注引論語云當暑袷絺綌是論語本有為袷字者云形且褻者形解袷絺綌其形露見褻解表表在衣外可鄙褻二襲表不入公門衣表必褻者上加表衣乃出也

為繭緼為袍衣有著之異名也續謂今之新縣也緼謂今續及舊絮也禪為

絺有衣裳而無裏帛為裙有表裏而無著朝服之以縞

也自季康子始也亦僭宋王者之後孔子曰朝服

而朝卒朔然後服之謂諸侯與羣臣也曰國

家未道則不充其服焉謂若衛文公者未道未合於道疏

正義曰檀弓云裼裘襲裘謂若子游裼裘而弔曾子襲裘而弔皆謂裘上有裼衣裼衣之上有襲衣襲衣之上有正服但據露裼衣不露裼衣為異耳若襲裘不得入公門也

注緼謂至絮也

正義曰如鄭此言云緼謂今續者謂好

絛也則鄭注之時以好者為絛惡者為絮故云緼謂今續

及舊絮也

注亦僭宋王者之後 正義曰云亦者亦上

玄冠紫綬是僭宋王者之後知宋朝服以縞者案王制云

殷人縞衣而養老燕服則為朝服宋是殷後故朝服以縞

孔子至服之 正義曰朝服縞衣素裳而朝謂每日朝

君 卒朔然後服之者卒朔謂卒告朔之時服皮弁告朔

禮終脫去皮弁而後服朝服也

注謂諸侯與羣臣也正

義曰知非天子之朝服而云諸侯與羣臣者以上文次皆

云不入公門下云唯君有黼裘又云君衣狐

白裘皆據諸侯之禮故知此亦據諸侯也

黼裘以誓省大裘非古也

僭天子也天子祭上帝則大裘而冕大裘

羔裘也黼裘以羔與狐白雜爲黼文也省當爲獮獮秋
田也國君有黼裘誓獮田之禮時大夫又有大裘也
正義曰君諸侯也黼裘以黑羊皮雜狐白爲黼文以作裘
也誓言者告勅也獮秋獵也大裘天子郊服也禮唯許諸侯
服黼裘以誓軍衆田獵耳不得用大裘當時有者非但諸
侯用大裘又有大夫僭用大裘者故譏之云非古也
時大至裘也 正義曰經直云黼裘以誓獮大裘非古而
云大夫用大裘者以經云唯君則知時臣亦爲之故言唯
君以譏之也冬始裘而秋云裘者爲秋殺始誓衆須威故
秋而用黼爲裘也

禮記注疏卷第三十九

疏

注



禮記正義卷第四十

狐
子

國子祭酒上護軍曹阜縣開國子臣孔穎達等奉

勅撰

君衣狐白裘錦衣以裼之

君衣狐白毛之裘則以素錦為衣覆之使

可裼也袒而有衣曰裼必覆之者裘褻也詩云衣錦絺衣裳錦絺裳然則錦衣復有上衣明矣天子狐白之上衣皮弁服與凡裼衣象裘色也君之右虎裘厥左狼裘衛尊者宜武猛士

不衣狐白

辟君也狐之白者少以少為尊也

疏

正義曰君謂天子以狐之白毛皮為裘其

上用錦衣以裼之

注詩云至色也

正義曰鄭引詩者

證錦衣之上更有衣覆之以無正文故引詩云然則錦衣

復有上衣明矣云天子狐白之上衣皮弁服與者亦以無正文故言皮弁服與與爲疑辭也必知狐白上加皮弁服者以狐白旣白皮弁服亦白錦衣亦白三者相稱皆爲白也云凡裼衣象裘色也者狐白裘用錦衣爲裼狐青裘用玄衣爲裼羔裘用緇衣爲裼是裼衣與裘色相近也天子視朝服皮弁服則天子皮弁之下有狐白錦衣也諸侯於天子之朝亦然故秦詩云君子至止錦衣狐裘此經云君則天子兼諸侯也凡在朝君臣同服然則三公在天子之朝執轡與子男同則皮弁之下狐白錦衣與子男同也其天子卿大夫及諸侯卿大夫在天子之朝亦狐白裘以下云士不衣狐白則卿大夫得衣狐白也其裼則不用錦衣故下注云非諸侯則不用錦衣爲裼熊氏云當用素衣爲裼其天子之士及諸侯之士在天子之朝旣不衣狐白熊氏云用麕裘素裼也諸侯朝天子受皮弁之裼歸來嚮國則亦錦衣狐裘以告廟則秦詩云君子至止錦衣狐裘是告廟之後則服之其在國視朝則素衣麕裘卿大夫士

亦皆然故論語注云素衣麕裘視朝之服是也其受外國聘享亦素衣麕裘故聘禮公褐降立注引玉藻云麕裘青豸褻絞衣以褐之又引論語云素衣麕裘皮弁時或素衣如鄭此言則褐衣或絞或素不定也熊氏云臣用絞君用素皇氏云素衣為正記者亂言絞耳

君子狐青裘豹褻玄綃衣以

褐之

君子大夫士也綃綺屬也深之以玄於狐青裘相宜狐青裘蓋玄衣之裘

麕裘青豸

褻絞衣以褐之

豸胡犬也絞蒼黃之色也孔子曰素衣麕裘

羔裘豹飾

緇衣以褐之

飾猶褻也孔子曰緇衣羔裘

狐裘黃衣以褐

之

黃衣大蜡時臘先祖之服也孔子曰黃衣狐裘

錦衣狐裘諸侯之

服也

非諸侯則不用錦衣為褐

犬羊之裘不褐

質略亦庶人無文飾

疏

正義曰君子謂大夫士也以狐青爲裘豹皮爲褻用玄綃之衣以覆裼之。**注**君子至之裘 正義曰知君子大夫士者以其上文已云君此文云君子故知是大夫士也云蓋玄衣之裘者皇氏云玄衣謂玄端也皇氏又云畿內諸侯朝服用緇衣畿外用玄衣此狐青又是畿外諸侯朝服之裘皇氏又云凡六冕及爵弁無裘先加明衣次加中衣冬則次加袍繭夏則不袍繭用葛也次加祭服若朝服布衣亦先以明衣親身次加中衣冬則次加裘裘上加裼衣裼衣之上加朝服夏則中衣之上不用裘而加葛葛上加朝服此皆皇氏之說熊氏云六冕皆有裘此云玄謂六冕及爵弁也則天子諸侯皆然而云大夫士者君用純狐青大夫士雜以豹褻熊氏又以內外諸侯朝服皆緇衣以羔爲裘不用狐青也狐青旣是冕服之裘周禮司裘謂之功裘者以在冕服之內人功微麤不如黼裘大裘之美故謂之功耳劉氏云凡六冕之裘皆黑羔裘也故司服云祭昊天大裘而冕以下冕皆不云裘是皆用羔裘也又論語注

緇衣羔裘皆祭於君之服是祭服用羔裘也劉氏又以此
玄衣爲玄端與皇氏同今刪定三家之說雖各有通塗皆
互有長短皇氏以畿內諸侯緇衣畿外諸侯玄衣案王制
直云玄衣而養老不辨外內之異又詩唐風羔裘豹祛卿
大夫之服檜風云羔裘逍遙鄭玄云朝燕之服也論語云
緇衣羔裘注云諸侯之朝服羔裘者必緇衣爲裼唐檜魯
非畿內之國何得並云羔裘若此玄衣爲畿外諸侯則鄭
注此何得云君子大夫士也又祭服無裘文無所出皇氏
之說非也劉氏以六冕皆用大裘案鄭志大裘之上有衣
則與玄冕無異是以小祭與昊天服同此則劉氏之說非
也今彼此商量以熊氏之說踰於二家論語注云緇衣祭
於君之服者謂助君祭朝服而祭也亦卿大夫祭於君之
服也 **注** 豺胡犬也 正義曰熊氏以豺胡犬謂胡地野
犬一解此胡作狐字謂狐犬雜未知孰是也 **注** 黃衣至
狐裘 正義曰案郊特牲云黃衣黃冠而祭所以息田夫
者文在蜡祭之下又云既蜡而收民息已足蜡祭之後爲

息民之祭也此息民謂之臘故月令孟冬云臘先祖五祀是黃衣為臘先祖之服皇氏用白虎通義云天子狐白諸侯狐黃大夫狐蒼士羔並與經傳不同鄭所不取裘乃各有所施皇氏說非也

不文飾也不

裼

裼主於有文飾之事

疏

正義曰案聘禮使臣行聘之時主於敬不主於文故襲裘也是不文飾之

事不裼裘也至行享之時主於文故裼裘也

裘之裼也見美也

君子於事以見

美為敬

疏

正義曰裘之裼者謂裘上加裼衣裼衣上雖加他服猶開露裼衣見裼衣之美以為敬也

弔

則襲不盡飾也

喪非所以見美

君在則裼盡飾也

臣於君所

服之襲也充美也

充猶覆也所敬不主於君則襲

疏

正義曰凡此弔

襲謂主人既小斂之後若未斂之前則裼裘也故檀弓云子游裼裘而弔是也君在則裼盡飾也正義曰凡君

在之時則露此裼衣盡其文飾之道以敬於君也 服之襲也充美也 正義曰此謂君之不在臣所加上服揜襲

裼衣充猶覆也謂覆蓋裼衣之美以君不在敬心殺故也 正義曰凡敬有二體一則父也二則君

也父是天性至極以質為敬故子於父母之所不敢袒裼君非血屬以文為敬故臣於君所則裼若平敵以下則亦

襲以其質略故也所襲雖同其意異也聘禮行聘致君命亦襲者彼是聘享相對聘質而享文欲文質相變故裼襲

不同 是故尸襲 疏 正義曰尸處尊位 執玉龜

襲 重寶 疏 正義曰凡執玉得襲故聘禮執圭璋致聘 則襲也若執璧琮行享雖玉裼此執玉或

容非聘享尋常執玉則亦襲也龜是享禮庭實之物執之亦裼若尋常所執及卜則襲敬其神靈也 無事

則裼弗敢充也 謂已致 疏 正義曰謂行禮已致 龜玉也 龜玉之後則裼不敢

充覆其美也亦謂在君之前故謁也若不在君所故無事則襲前文云者是也笏天子以球

玉諸侯以象大夫以魚須文竹士竹本象

可也

球美玉也文猶飾也大夫士飾竹以為笏不敢與君並用純物也

見於天子

與射無說笏入大廟說笏非古也

言凡吉事無所說笏

也大廟之中唯君當事說笏也

小功不說笏當事免則說之

免悲

哀哭踊之時不在於記事也小功輕不當事可以摺笏也

既摺必盟雖有執於

朝弗有盟矣

摺笏輒盟為必執事

凡有指畫於君前

用笏造受命於君前則書於笏笏畢用也

因飾焉

畢盡也

笏度二尺有六寸其中博三

寸其殺六分而去一

殺猶杼也天子杼上終葵首諸侯不終葵首大夫士又杼

其下首廣

疏

正義曰此一節明天子以下笏之所用之物并明用笏之事及闊狹長短大夫以

二寸半

魚須文竹者文飾也庾氏云以鮫魚須飾竹以成文士

竹本象可也者士以竹為本質以象牙飾其邊緣飾之可也言可者通許之辭

注球美至物也

正義曰案釋地

云西北之美者有崑崙虛之璆琳琅玕焉李巡孫炎郭璞

等並云璆琳美玉此之球字則與璆同故云球是美玉也

云文猶飾也謂以魚須文飾其竹盧云以魚須及文竹為

笏非鄭義也云大夫士飾竹以為笏者大夫以魚須士用

象

注言凡至笏也

正義曰經摠云見於天子則諸侯

事在其間故云言凡吉事無所說笏凡者非一之辭下文

云小功不說則大功以上皆說之故云惟吉事無說笏也

云大廟之中唯君當事則說笏也者以臣見君無不執笏明大廟之中雖當事之時亦執笏也君則大廟之中當事之時則說笏時臣驕泰僭倣於君當事之時亦說笏故記者明之云臣入大廟當事說笏非古禮也是當時之僭記者據時而言故鄭云唯君當事說笏也必知當事說者以下文云小功不說笏當事免則說之明君入大廟當事則亦說耳凡臣見君皆執笏所以記事射所以正威儀獨云見於天子者以天子尊極恐臣下畏懼不敢執笏故特言見於天子明臣下見於君皆然既摺至盥矣言既摺笏必盥者謂有執事於朝須預絜淨故既摺笏於帶必盥洗其手於後雖有執事於朝更不須清絜不須盥矣以其初盥已畢造受至飾焉造受命謂造詣君前而受命則書記於笏笏畢用也者畢盡也謂事事盡用笏記之因飾焉者謂因其記事所須而飾以爲上下等級焉其中博三寸者天子諸侯上首廣二寸半其天子樵頭不殺也大夫士下首又廣二寸半唯笏之中央同博三寸故云

其中博三寸也 其殺六分而去一者天子諸侯從中以
上稍稍漸殺至上首六分三寸而去其一分餘有二寸半
在大夫士又從中以下漸漸殺至下首亦六分而去一

注

殺猶至寸半

正義曰案玉人云天子杼上此云殺故

知殺猶杼也云諸侯不終葵首者以玉人云天子終葵首
則諸侯不終葵首可知也云大夫士又杼其下者以經特
云其中博三寸明笏上下二首不博三寸諸侯既南
面之君同殺其上大夫士北面之臣宜俱殺其下也而素

帶終辟大夫素帶辟垂士練帶率下辟居

士錦帶弟子縞帶并紐約用組

而素帶終辟
謂諸侯也諸

侯不朱裏含素爲之如今衣帶爲之下天子也大夫亦如
之率縹也士以下皆縹不合而縹積如今作幪頭爲之也
辟讀如裨冕之裨裨謂以繒采飾其側人君充之大夫裨
其紐及末士裨其末而已居士道藝處士也此自而素帶

亂脫在是耳宜

承朱裏終辟

疏

正義曰自此以下至皆從男子明帶及鞞鞞及王后以下衣服等差其文

雜陳又上下爛脫今一依鄭注以為先後天子素帶朱裏終辟而素帶終辟大夫素帶辟垂士練帶率下辟居士錦帶弟子縞帶并紐約用組三寸長齊于帶紳長制士三尺有司二尺有五寸子游曰參分帶下紳居二焉紳鞞結三齊大夫大帶四寸雜帶君朱綠大夫玄華士緇辟二寸再繚四寸凡帶有率無箴功此等摠論帶之義也今依而解之天子素帶朱裏者以素為帶用朱為裏終辟辟則裨也終竟帶身在要及垂皆裨故云終辟而素帶終辟者謂諸侯也以素為帶不以朱為裏亦用朱綠終辟大夫素帶辟垂者大夫亦用素為帶不終裨但以玄華裨其身之兩旁及屈垂者士練帶率下辟者士用熟帛練為帶其帶用單帛兩邊繹而已繹謂緝也下裨者但士帶垂者必反屈嚮上又垂而下大夫則摠皆裨之士則用緇唯裨嚮下一垂者居士錦帶者用錦為帶尚文也弟

子縞帶者用生縞爲帶尚質也 并紐約用組者并並也
紐謂帶之交結之處以屬其紐約者謂以物穿紐約結其
帶謂天子以下至弟子之等其所紐約之物並用組爲之
故云并紐約用組 三寸者謂紐約之組闊三寸也 長
齊于帶者言約紐組餘長三尺與帶垂者齊故云長齊於
帶 紳長制士三尺有司二尺有五寸者紳謂帶之垂者
紳重也謂重屈而舒申其制士長三尺有司長二尺五寸
子游曰參分帶下紳居二焉記者引子游之言以證紳
之長短人長八尺大帶之下四尺五寸分爲三分紳居二
分焉紳長三尺也 紳鞞結三齊者紳謂紳帶鞞謂蔽膝
結謂約紐餘組三者俱長三尺故云三齊也 大夫大帶
四寸謂合素爲之廣四寸 雜帶君朱綠大夫玄華士緇
辟者雜猶飾也謂飾帶君用朱綠大夫用玄華士用緇也
士緇辟二寸再繚四寸謂用單練廣二寸繚繞也再度
繞要亦四寸也 凡帶有率無箴功者凡帶謂有司之帶
有綽謂其帶旣禪亦以箴縵絹其側但綽禪之而已無別

裨飾之箴功故云無箴功

注而素至終辟

正義曰以

文承天子素帶終辟故知素帶謂諸侯以經不云朱裏故云諸侯不朱裏下天子也云率綷也士以下皆禪不合而綷積者以率非縫繞之事故讀爲綷與碑綷同也知士以下皆禪者以經云士練帶率綷是縫禡之名以縫旁邊故知禪也云辟讀如裨冕之裨者讀如曾子問大祝裨冕之裨也云人君充之者充滿也人君謂天子諸侯飾帶從首及末徧滿皆飾故云充之云大夫裨其紐及末者大夫卑但飾其帶紐以下至於末也云士裨其末而已者士又卑但裨其一條下垂者故云裨末而已云宜承朱裏終辟者以下文云天子素帶朱裏終辟此文即云素帶終辟次云大夫故知宜承天子素帶之下文相次也

注

三寸至爲

衿 正義曰知三寸約帶紐組之廣者以帶廣四寸此云三寸長齊於帶承上紐約用組之下故知是紐廣也云言其屈而重也者解垂帶名紳之意申重也云宜承約用組者以此經直云三寸長齊于帶非發語之端明知有所承

次故以爲宜承約用組之下 **注** 雜猶至三齊 **正義**曰

上云裨此云雜故知雜即上之裨也云君裨帶上以朱下

以綠者君謂天子諸侯崔氏熊氏並云據要爲正飾帶外

邊上畔以朱朱是正色故在上也下畔以綠綠是間色故

在下也云大夫裨垂外以玄內以華華黃色也者熊氏云

近人爲內遠人爲外玄是天色故在外以華對玄故以爲

黃也黃是地色故在內也云士裨垂之下外內皆以緇者

士既練帶而士冠禮謂之緇帶據裨色言之故謂之緇帶

以裨之外內皆用緇也云宜承紳鞞結三齊者以下文三

寸長齊于帶合承上紐約用組之後則此大夫大帶一經

不得廁在其間故知宜承 **鞞** 君朱大夫素士爵韋

下紳鞞結三齊之後也 **鞞** 此玄端服之鞞也鞞之言蔽也凡鞞以韋爲之必象裳色

裳色則天子諸侯玄端朱裳大夫素裳唯士玄裳黃裳雜

裳也皮弁 **圜殺直** **天子直** **公侯前**

服皆素鞞 **制** **目鞞** **四角直** **無圜殺**

禮記集說卷之四十一 王制

後方殺四角使之方變於天子也所殺者去上下各五寸大夫前方後挫

角圜其上方變於君也韠以下為前以上為後士前後正士賤與君同不嫌也正直方之

間語也天子之士則直諸侯之士則方韠下廣二尺上廣一尺長

三尺其頸五寸肩革帶博二寸頸五寸亦謂廣也頸中央

肩兩角皆上接革帶以繫之肩與革帶廣同凡佩繫於革帶大夫大帶四寸雜

帶君朱綠大夫玄華士緇辟二寸再繚四

寸凡帶有率無箴功雜猶飾也即上之裨也君裨帶上以朱下以綠終之

大夫裨垂外以玄內以華華黃色也士裨垂之下外內皆以緇是謂緇帶大夫以上以素皆廣四寸士以練廣二寸

再繚之凡帶有司之帶也亦繚之如士帶矣無箴功則不裨之士雖繚帶裨亦用箴功凡帶不裨下士也此又亂脫在是宜承紳

韠結三齊

一命緼韍幽衡再命赤韍幽衡

三命赤韍葱衡

此玄冕爵弁服之韠尊祭服異其名耳韍之言亦蔽也緼赤黃

之間色所謂韍也衡佩玉之衡也幽讀為黝黑謂之黝青謂之葱周禮公侯伯之卿三命其大夫再命其士一命子

男之卿再命其大夫一命其士不命

天子素帶朱裏終辟

謂大帶也

疏

正義曰此一經揔明韠韍上下尊卑之制唯有大夫大帶一經廁在其間已於帶條說訖

注

此玄至素韠

正義

曰知此玄端服之韠也者案士冠禮玄端玄裳黃裳雜裳爵韠謂士玄端之韠此云士爵韠故知是玄端之韠也云天子諸侯玄端朱裳者以韠從裳色君既用朱故知裳亦朱色也然天子諸侯祭服玄衣纁裳知此朱韠非祭服

韠者若其祭服則君與大夫士無別同是赤色何得云大夫素士爵韋且祭服之韠大夫以上謂之韠士爵弁謂之韠韠不得稱韠也云大夫素裳者大夫玄端以素為裳故素韠也此則大夫士朝君之服大夫既以素裳為朝服又以玄端服禮窮則同故也云唯士玄裳黃裳雜裳也者士冠禮謂玄端之裳也士朝服則素裳故鄭注士冠禮朝服則玄端之衣易其裳耳云皮弁服皆素韠者案士冠禮皮弁服素韠云皆者君與大夫士皮弁皆然故云皆也

注

目韠制 正義曰經云圜則下文大夫前方後挫角則圜也經云殺則下文公侯前後方方則殺也經云直則下文云天子直是目韠制也 **注**殺四至五寸 正義曰以經云前後方是殺四角也上下各去五寸所去之處以物補飾之使方變於天子也云所殺者去上下各五寸者案雜記云韠會去上五寸是上去五寸又云紕以爵韋六寸不至下五寸是去下五寸鄭注雜記云會謂上領縫也領之所用蓋與紕同如鄭此言即上去五寸是領也以爵韋為領

故云領之所用與純同下云所去五寸純以素故鄭注雜記云純純所不至者五寸然則上去五寸是領也下去五寸是純也若然唯去上畔下畔而云殺四角者蓋四角之處別異之使殊於餘邊也其會之下純之上兩邊皆純以爵韋表裏各三寸故雜記云鞞長三尺下廣二尺上廣一尺會去上五寸純以爵韋六寸不至下五寸純以素紃以五采鞞制大略如此但古制難知不可委識或據禮圖天子鞞制形如要鼓也以今參驗不附人情故今依附記文參驗情事而爲此說以俟後賢

注 圜其至爲後 正義曰以經云後挫角謂殺上角使圜不令方也

注 正直方之間語也 正義曰正謂不袤也直而不袤謂之正方而不袤亦謂之正故云正直方之間語

注 頸五至革帶 正義曰云頸五寸亦謂廣者鄭恐上下長五寸故云亦謂廣也其上下及肩與革帶俱二寸也云凡佩繫於革帶者以鞞繫於革帶恐佩繫於大帶故云然以大帶用組約其物細小不堪縣鞞佩故也

注 此玄至不命 正義曰以

上經云君朱大夫素士爵韋是玄端服之韠故云此玄冕
爵弁服之韠言異於上也此據有孤之國以卿大夫雖三
命再命皆著玄冕若無孤之國則三命再命之卿大夫皆
絺冕不得唯玄冕也爵弁則士所服云尊祭服異其名耳
者他服稱韠祭服稱韍是異其名韍韠皆言爲蔽取蔽鄣
之義也知祭服稱韍者案易困卦九二朱紱方來利用享
祀是祭祀稱韍也案詩毛傳天子純朱諸侯黃朱黃朱色
淺則亦名赤韍也則大夫赤韍色又淺耳有虞氏以前直
用皮爲之後王漸加飾焉故明堂位云有虞氏服韍夏后
氏山躬火周龍章彼注云天子備焉諸侯火而下卿大夫
山士韍韋而已云緼赤黃之間色所謂韍也者案此云一
命緼韍一命謂公侯伯之士士冠禮爵弁韍韍此緼韍則
當彼韍韍故云所謂韍也毛詩云韍韍茅蒐染齊人謂茅
蒐爲韍韍聲也茅蒐則菴草也以菴染之其色淺赤則緼
爲赤黃之間色若子男大夫但名緼韍不得爲韍韍也以
其非士故耳云黑謂之黝青謂之蔥者周禮牧人云陰祀

用黝牲又孫炎注爾雅云黝青黑葱則青之異色
三命則公之卿玄冕侯伯之卿絺冕皆赤韍葱衡 王后

褱衣夫人揄狄

褱讀如翬揄讀如揺翬揺皆翟雉名也刻繒而畫之著於衣以為飾

因以為名也後世作字異耳夫人三夫人亦侯伯之夫人也王者之後夫人亦褱衣 三寸長齊

于帶紳長制士三尺有司二尺有五寸子

游曰參分帶下紳居二焉紳鞞結三齊

謂約帶紐組之廣也長齊于帶與紳齊也紳帶之垂者也言其屈而重也論語日子張書諸紳有司府史之屬也三分帶下而三尺則帶高於中也結約餘也此又亂脫在是宜承約用組結或為衿 君命屈狄

再命褱衣一命襢衣士祿衣

君女君也屈周禮作闕謂刻繒為翟

不畫也此子男之夫人及其卿大夫士之妻命服也禕當
為鞠字之誤也禮天子諸侯命其臣后夫人亦命其妻以
衣服所謂夫尊於朝妻榮於室也子男之卿再命而妻鞠
衣則鞠衣檀衣祿衣者諸侯之臣皆分為三等其妻以次
受此服也公之臣孤為上卿大夫次之士次之侯
伯子男之臣卿為上大夫次之士次之祿或作稅 唯世

婦命於莫繭其他則皆從男子

莫猶獻也凡世婦已下蠶

事畢獻繭乃命之以其服天子之后夫人九嬪及諸侯之
夫人夫在其位則妻得服其服矣自君命屈狄至此亦亂
脫在是宜承

疏

正義曰此一節論王后以下命婦之服
唯有三寸長齊于帶一經廁在其間帶

事前文已解訖 王后禕衣者禕讀如翬謂畫翬於衣六服
之最尊也 夫人揄狄者揄讀如搖狄讀如翟謂畫翟
之雉於衣謂三夫人及侯伯夫人也 君命屈狄者君謂
女君子男之妻也被后所命故云君命屈狄者屈闕也狄

亦翟也直刻雉形闕其采畫故云闕翟也再命褱衣者再命謂子男之卿褱當爲鞠謂子男卿妻服鞠衣也一命褱衣者褱展也子男大夫一命其妻服展衣也士褱衣者謂子男之士不命其妻服褱衣鄭注云喪禮褱之言緣黑衣裳以赤緣之唯世婦命於奠繭者世婦謂天子二十七世婦以下也奠獻也獻繭謂世婦及命婦入助蠶畢獻繭也凡夫尊於朝妻貴於室皆得各服其命服今唯世婦及卿大夫之妻並卑雖已被命猶不得即服命服必又須經入助蠶蠶畢獻繭繭多功大更須君親命之著服乃得服耳故云命於奠繭其他則皆從男子者其他謂后夫人九嬪及五等諸侯之妻也其夫得命則其妻得著命服不須奠繭之命故云皆從男子

注褱讀至褱衣正義曰案鄭注內司服引爾雅釋鳥伊雉而南素質五色皆備成章曰翟江淮而南青質五色皆備成章曰搖鄭又云王后之服刻繒爲之形而采畫之綴於衣以爲文章褱衣畫翟者揄翟畫搖者闕翟刻而不畫從王祭先王則服褱衣

祭先公則服揄翟祭羣小祀則服闕翟鞠衣黃桑服也色如鞠塵服之以告桑展衣以禮見王及賓客祿衣御于王之服闕翟赤搖翟青禕衣玄鞠衣黃展衣白祿衣黑又鄭志云三狄首服副副覆也所以覆首為之飾其遺象若今步繇矣鞠衣首服編編列髮為之其遺象若今假紒矣展衣祿衣首服次次第髮長短為之所謂髮髢若燕居之時則亦祿衣纓笄總而已其六服皆以素紗為裏故內司服陳六服之下云素紗鄭注云六服皆袍制以白縛為裏云夫人三夫人亦侯伯之夫人也者以經云王后禕衣則云夫人揄狄其文相次故以夫人為三夫人但三夫人與三公同對王為屈三公執璧與子男同則三夫人亦當與子男夫人同故鄭注司服疑而不定云三夫人其闕狄以下乎為兩解之也云王者之後夫人亦禕衣者以禮記每云君衮冕夫人副禕王者之後自行正朔與天子同故祭其先王服上服也若祭先公則降焉魯祭文王周公其夫人亦禕衣故明堂位云君衮冕立于阼夫人副禕立于房中

是也

注君女至作稅

正義曰以禮君命其夫后命其

婦則子男之妻不得受天子之命故以爲君謂女君是子男之妻受后之命或可女君謂后也命子男妻故云君命云此子男之天人及其卿大夫士之妻命服也者以典命云子男之卿再命其大夫一命其士不命此云再命褱衣一命褱衣士祿衣又承闕狄下正與子男同故知據子男夫人及卿大夫士之妻也褱衣是王后之服故疑當爲鞠衣云子男之卿再命而妻鞠衣則鞠衣褱衣祿衣者諸侯之臣皆分爲三等其妻以次受此服也者鄭爲此言欲明諸侯臣之妻唯有三等之服云公之臣孤爲上卿大夫次之士次之者以司服云孤絺冕而下卿大夫玄冕而下士皮弁而下此謂上公臣爲三等云侯伯子男之臣卿爲上大夫次之士次之者以此經再命鞠衣一命褱衣士祿衣士與大夫不同又典命子男之卿再命大夫一命士不命尚分爲三等侯伯之卿三命大夫再命士一命是亦三等可知鄭云然也

注眞猶至掄狄

正義曰凡獻物必先

奠於地故云奠猶獻也云凡世婦以下燒蟲事畢獻繭乃命之者三夫人九嬪其位既尊不須獻繭自然得命也世婦以下位卑因獻繭乃得命言以下則凡侍於君紳垂女御亦然經唯云世婦舉其貴者

足如履齊頤雷垂拱視下而聽上視帶以

及袷聽鄉任左

紳垂則磬折也齊裳下緝也袷交領也

凡君召以

三節二節以走一節以趨

節所以明信輔君命也使使召臣急則持

二緩則持一周禮曰鎮圭以徵守其餘未聞也今漢使者擁節

在官不俟履在外

不俟車

趨君命也必有執隨授之者官謂朝廷治事處也

疏

正義曰此一節論人臣傳

君及被君召之儀

凡侍於君者謂臣侍君法也凡者臣無貴賤皆然也紳垂者紳大帶也身直則帶倚磬折則

帶垂 足如履齊者齊裳下緝也身折則裳前下緝委地
故行則足恒如踐履裳下也 頤雷者雷屋簷身俯故頭
臨前垂頤如屋雷 垂拱者拱脊手也身俯則宜手脊而
下垂也 視下而聽上者視高則教故下矚也聽上謂聽
尊者語宜諦聽故仰頭而面嚮上以聽之也 視帶以及
袷者視尊者之處也袷交領也視君之法下不過帶高不
過袷故曲禮云凡視上於面則教下於帶則憂是也 聽
鄉任左者此解聽上也庾云聽上及聽鄉任左皆備君教
使也鄭注少儀曰立者尊右則坐者尊左也侍君之時君
坐故侍者在右是以聽鄉皆以左爲任也此謂臣以左耳
近君故云任左 凡君召以三節二節以走一節以趨者
節者以玉爲之所以明信輔於君命者也君使使召臣有
二節時有一節時故合云三也隨事緩急急則二節臣故
走也緩則一節臣故趨也庾氏云君召以三節者謂君召
臣急則以二節緩則以一節急緩不出於三耳不謂節盡
於三也 在官不俟屨在外不俟車者急趨君召也官謂

朝廷治事處也外謂其室及官府也在官近不須車故言履在外遠故云車

注

周禮至擁節正義曰此周禮典

瑞文引之者證君召臣之節謂徵召守國諸侯以鎮圭召之云其餘未聞者謂召諸侯之外別召餘臣未聞云今漢

使擁節者擁持也漢時使人召臣持節召之也士於大夫不敢拜迎而

拜送禮不敵始來士於尊者先拜進面答之

拜則走士往見卿大夫卿大夫出迎答拜亦辟也**疏**正義曰此一節明士於尊者之法

士於大夫不敢拜迎者此謂大夫詣士禮既不敵故士不敢迎而先拜大夫雖拜士則辟之而拜送者案儀禮鄉

射鄉飲酒公食聘禮但是主人送賓者皆主人再拜賓不答拜鄭注云不答拜者禮有終故也士於尊者先拜者

謂士往詣卿大夫即先於門外拜之也進面士先於外拜拜竟乃進面親相見也答之拜則走者若大夫出迎

而答拜於士則士走辟之也

士於君所言大夫沒矣則稱謚

若字名士與大夫言名士字大夫

君所大夫存亦名

疏

正義曰此一節論士於君及大夫之所言羣臣之法於君所言大夫者謂士在君前與君言論及於大夫也

沒矣則稱謚若字者君前臣名若彼大夫生則士呼其名若彼大夫已死沒而士於君前言則稱彼謚無謚則稱字

不呼其名敬貴故也名士者士賤雖已死而此生士與君言猶呼死士名也與大夫言名士字大夫者謂士與

大夫言次論及他生大夫士之法也士賤故呼之名於大夫貴故呼之字也若大夫士卒則字士謚大夫

大夫所有公諱無私諱

公諱若言語所辟先君之名

凡祭

不諱廟中不諱

謂祝嘏之辭中有先君之名者也凡祭祭羣神廟中上不諱下

學臨文不諱

為惑未知者

疏

正義曰此一節論諱與不諱之法有公諱無

私諱者謂士及大夫言但諱君家不自私諱父母也崔氏云謂伯叔之諱耳若至親則不得言庾云謂士與大夫言有音字同已祖禰名字皆不得諱辟敬大夫故不重敬凡祭不諱廟中不諱者謂祝嘏之辭中有先君名者也凡祭祭羣神也謂社稷山川百神也祝嘏辭中有先君之名不諱之也廟中上不諱下若有事於祖則不諱父也有事於父則諱祖教學臨文不諱者教學為師長也教人若諱疑誤後生也臨文謂簡牒及讀法律之事也若諱則失於事
正也 古之君子必佩玉 比德焉君子士已上 右徵角左

宮羽

玉聲所中也徵角在右事也民也

趨以采齊

路門外之樂節也門外謂

行以肆夏

登堂之樂節

周

之趨齊當為楚薺之薺

還中規

反行也宜園

折還中矩

曲行也宜方

進則揖之

退則揚之然後玉鏘鳴也

揖之謂小僂見於前也揚之謂小仰見於

後也鏘聲貌

故君子在車則聞鸞和之聲行則鳴

佩玉是以非辟之心無自入也

鸞在衡和在式自由也

君在不佩玉左結佩右設佩

謂世子也出所處而君在焉則

去德佩而設事佩辟德而示即事也結其左者若於事有未能也結者結其綬不使鳴也

居則設

佩

謂所處而君不在焉

朝則結佩

朝於君亦結左

齊則綰結

佩而爵韞

綰屈也結又屈之思神靈不在事也爵韞者齊服玄端

凡帶必

有佩玉唯喪否

喪主於哀去飾也凡謂天子以至士

佩玉有衝

牙

居中央以前後觸也

君子無故玉不去身君子於玉

比德焉

故謂喪與災眚

天子佩白玉而玄組綬公

侯佩山玄玉而朱組綬大夫佩水蒼玉而

純組綬世子佩瑜玉而綦組綬士佩璆玕

而緼組綬

玉有山玄水蒼者視之文色所似也綬者所以貫佩玉相承受者也純當爲緼古文

緼字或作絲旁才綦文雜色也緼赤黃

孔子佩象環五寸而綦組

綬

謙不比德亦不事也象有文理者也環取可循而無窮

疏

正義曰此一節廣明佩玉之事各隨

文解之

注比德至已上

正義曰案詩秦風云言念君

子溫其如玉是玉以比德案聘義云溫潤而澤仁也縝密以栗知也廉而不剡義也垂之如隊禮也浮筠旁達信也是玉以比德也案下文云天子佩白玉下至士是君子含士以上也

注玉聲至宜逸

正義曰玉聲所中也者謂

所佩之玉中此徵角宮羽之聲云事也民也可以勞者案樂記角爲民徵爲事右廂是動作之方而佩徵角事則須作而成民則供上役使故可勞而在右也云君也物也宜逸者案樂記云宮爲君羽爲物今宮羽在左是無事之方君宜靜而無爲物宜積聚故在於左所以逸也

注路門

至之薺

正義曰路寢門外至應門謂之趨於此趨時歌

采薺爲節云薺當爲楚薺之薺者案詩小雅有楚茨之篇

此作薺字故讀爲楚茨之茨音同耳其義則異

注登堂

之樂節

正義曰路寢門內至堂謂之行於行之時則歌

肆夏之樂案爾雅釋宮云室中謂之時堂上謂之行堂下謂之步門外謂之趨中庭謂之走大路謂之奔此對文耳

若揔而言之門內謂之行門外謂之趨鄭注樂師云行謂於大寢之中趨謂於朝廷然則王出既服至堂而肆夏作出路門而采薺作其反入至於應門路門亦如之此謂步迎賓客王如有車出之事登車於大寢西階之前反降於阼階之前尚書傳曰天子將出撞黃鍾之鍾右五鍾皆應入則撞蕤賓之鍾左五鍾皆應是也

注反行也宜圜

正義曰反行謂到行反而行假令從北嚮南或從南嚮北

注曲行也宜方

正義曰曲行謂屈曲而行假令從北嚮

南行曲折而東嚮西嚮也

進則至鳴也

揖俯也若行

前進則身恒小俯俛也

退則揚之者揚仰也卻退遷行

則身微仰也

然後玉鏘鳴也者若進俯退仰則然後佩

離身而直行搖動佩自擊所以玉聲得鏘鏘而鳴也

注

揖之至後也

正義曰見於前者謂佩嚮前垂而見之見

於後者謂佩嚮後垂而見也是以非辟之心無自入也

謂君子恒聞鸞和佩玉之正聲自由也是以非類邪辟之

心無由入於身也

注鸞在衡和在式

正義曰鸞在衡

和在式韓詩外傳文也若鄭康成之意此謂平常所乘之車也若田獵之車則鸞在馬鑣也故注秦詩云置鸞於鑣異於乘車鄭於秦詩既已明言故於毛詩傳云在軾曰和在鑣曰鸞鄭不復易毛也又於商頌箋云鸞在鑣同毛氏之說亦不復具言以秦詩箋已明言故也 君在至設佩謂世子出所處而與君同在一處則不敢佩玉玉以表德去之示已無德也 左結佩者佩亦玉佩既不佩玉而結左佩也鄭云結者結其綬不使鳴也賀云事佩綬且不鳴今云結綬使不鳴則猶在佩玉也 右設佩者結左邊玉佩而設右邊事佩事佩是木燧大觶之屬 **注**謂世至鳴也 正義曰知謂世子也者以臣之對君則恒佩玉故下云君子無故玉不去身前文云然後玉鏘鳴也是臣之法朝君備儀盡飾當佩玉今云君在不佩玉故知非臣下云世子佩瑜玉是以知世子也云出所處而君在焉者以下文朝則結佩謂朝時明此君在非朝處也云去德佩者謂結玉佩不使鳴非謂全去也 而設事佩者大觶木燧

之屬也云辟德而示即事也者以辟德不敢當故去德佩而示有勞役之事以奉於上故設事佩也朝則結佩朝結佩及設佩亦皆謂世子齊則結佩此謂揔包凡應佩玉之人非唯世子結佩結屈也謂結其綬而又屈上之也而爵韞者謂士玄端齊故爵韞爲韞也而熊氏皇氏並謂諸侯以下皆以玄端齊而以爵韞爲韞同士禮以其齊故不用朱韞素韞也義或然也佩玉有衝牙凡佩玉必上繫於衡下垂三道穿以蠙珠下端前後以縣於璜中央下端縣以衝牙動則衝牙前後觸璜而爲聲所觸之玉其形似牙故曰衝牙皇氏謂衝居中央牙是外畔兩邊之璜以衝牙爲二物若如皇氏說鄭何得云牙居中央以爲前後觸也

注玉有至赤黃正義曰玉有山玄水蒼者視之文色所似也者玉色似山之玄而雜有文似水之蒼而雜有文故云文色所似但尊者玉色純公侯以下玉色漸雜而世子及士唯論玉質不明玉色則玉色不定也瑜是土之美者故世子佩之承上天子諸侯則世子天子諸

侯之子也然諸侯之世子雖佩瑜玉亦應降殺天子世子也璫玨石次王者賤故士佩之云純當為緇者以經云玄組朱組皆是色則純亦是色也故讀純為緇鄭讀純為緇其例有異若經文絲帛義分明而色不見者即讀純為緇媒氏云純帛不過伍兩以有帛字故純為緇祭統云后夫人蠶事以供純服以其供蠶絲義分明故讀純為緇論語云麻冕禮也今也純儉稱古用麻今用純則絲可知也以色不見故讀純為緇若色見而絲不見則不破純字以純為絲昏禮女次純衣注云純衣絲衣如此之類是也云綦文雜色也者顧命四人綦弁云綦青黑色鄭風縞衣綦巾注云綦蒼艾色是綦為雜色又說文云綦蒼文是雜色也孔子佩象環五寸而綦組紱孔子以象牙為環廣五寸以綦組為紱也所以然者失魯司寇故謙不復佩德佩及事佩示已無德事也佩象環者象牙有文理言已有文章也而為環者示已文教所循環無窮也五寸法五行也言文教成人如五行成物也

童子之節

也緇布衣錦緣錦紳并紐錦束髮皆朱錦

也

童子未冠之稱也冠禮曰將冠者采衣紛也

肆束及帶勤者有事

則收之走則擁之

肆讀為肄肆餘也餘束約紐之餘組也勤謂執勞辱之事也此

亦亂脫在是宜承無箴功

童子不裘不帛不屨絢無總服

聽事不麻無事則立主人之北南面見

先生從人而入

皆為幼少不備禮也雖不服總猶免深衣無麻往給事也裘帛溫傷

壯氣也絢屨頭飾也

疏

正義曰此一節論童子之儀唯有肆束及帶一經鄭云爛脫廁在其間宜承上無箴

功之下今先釋之後論童子之事肆束及帶者肆餘也謂約束帶之餘組及帶之垂者若身充勤勞之事當有事

之時則收斂之爲其事之切迫身須趨走則擁抱之收謂斂持在手擁謂抱之於懷也 童子之節也者謂童稚之子未成人之禮節 緇布衣者謂用緇布爲衣尚質故也 錦緣錦紳并紐者謂用錦爲緇布衣之緣又用錦爲紳帶并約帶之紐皆用錦也 錦束髮者以錦爲總而束髮也 皆朱錦也者言童子所用之錦皆用朱色之錦童子尚華示將成人有文德故皆用錦示一文一質之義也 童子不裘不帛者爲大溫傷壯氣也 不屨絢者絢屨之飾也未成人不盡飾爲節也 無總服者童子唯當室與族人爲禮有恩相接之義故遂服本服之總耳若不當室則情不能至總故不服也 聽事不麻者鄭注云雖不服總猶免深衣無麻往給事也然鄭意是言童子雖不總猶著免深衣無經以往給事總喪使役也王云聽事不麻也庾謂此云無麻謂不當室也案問喪及鄭注之意皆以童子不當室則無免而此注云猶免者崔氏熊氏並云不當室而免者謂未成服而來也問喪云不當室不免者謂據成

服之後也

無事則立主人之北南面者主人喪主也此

童子來聽使若有事則使之若無事時在旁謂在主人之

北南面而立見先生從人而入者先生師也童子不能

獨為禮若往見師則隨成人而入也

注雖不服總猶免

深衣正義曰知猶免深衣者以經但云無總服是但不

著總服耳猶同初著深衣也知免者以問喪云免者不冠

者之服故知未成服童子雖不當室初著免也

侍食於先生異爵者後

祭先飯

謙也

客祭主人辭曰不足祭也

祭者盛主

人之饌也

客飧主人辭以䟽

飧者美主人之食也䟽之言麤也

主人自

置其醬則客自徹之

敬主人也徹奠于序端

一室之人

非賓客一人徹

同事合居者也賓客則各徹其饌也

壹食之人

一人徹

壹猶聚也為赴事聚食也

凡燕食婦人不徹

婦人質不備禮

疏

正義曰此一節論侍食及徹饌之節 侍食於先生及異爵者此謂凡成人禮異爵謂尊於己也 後祭先飯者此饌不為已故後祭而先飯者示為尊者嘗食也 客祭者盛主人之饌具故祭之主人辭曰不足祭也者凡主人於客悉皆然也祭是盛主人之饌也故主人致辭云疏食不足備禮也 客殮者若食竟作三飯殮也 主人辭以疏者疏麤也殮是已食飽飽猶食美故主人見客殮而致辭云麤食傷客不足致飽若欲使更食然也主人自置其醬則客自徹之者主人敬客則自置其醬則客宜報敬故自徹之曲禮曰主人親饋是也 一室之人非賓客一人徹者謂同事而合居一室若賓客則各徹其饌今合居既無的賓主故必少者一人徹饌也 壹食之人一人徹者壹猶聚也謂暫為赴事一聚共食共食竟則亦不人人徹亦推一人徹也 凡燕食婦人不徹者婦人質不備禮也緣

男子有徹義故
明婦人禮也

食棗桃李弗致于核

恭也

瓜祭上

環食中弃所操

上環頭甘也

凡食果實者後君

子

陰陽所成非人事也

火孰者先君子

備火齊不得也

有慶非

君賜不賀

唯君賜為榮也

有憂者

此下絕亡非其句也

勤者有事

則收之走則擁之

此補脫重

疏

正義曰此一節明食果實及非君賜不賀

之事謂其懷核不置於地也 瓜祭上環者食瓜亦祭先也環者橫斷形如環也斷則有上下環也上環是寔間下環是脫華處也祭時取上環祭之也 食中者用上環將祭而食中也 棄所操者操謂手持者棄之不食付切謂切瓜頭切去寔此庶人法也 凡食果實者後君子者果實是陰陽所成非關人事故不得先嘗也 火孰者先

君子者火孰和調是人之所為恐和齊不備故先於君子而嘗之 有慶非君賜不賀者有慶謂或宗族親戚燕飲聚會雖吉不相賀不足為榮故也唯受君之賜為榮故相拜賀故云非君賜不賀也 孔子食於

季氏不辭不食肉而殮

以其待已及饌非禮也

疏

正義曰凡

客將食興辭而孔子不辭者必是季氏進食不合禮也不食肉而殮者凡禮食先食載次食殽乃至肩至肩則飽乃殮孔子在季氏家食不食肉而仍為殮者是季氏饌失禮故也 君賜車馬乘以

拜賜衣服服以拜

敬君惠也

賜君未有命弗敢

即乘服也

謂卿大夫受賜於天子者歸必致於其君君有命乃服之

君賜稽

首據掌致諸地

致首於地據掌以左手覆案右手也

酒肉之賜

弗再拜

輕也受重賜者拜受又拜於其室

凡賜君子與小人

不同日

慎於尊卑

疏

正義曰此一節論受君賜之法君賜車馬乘以拜賜衣服服以拜

者謂受君賜賜至則拜至明日更乘服所賜往至君所又拜敬重君恩故也 賜君未有命弗敢即乘服也者此使臣雖受賜於王不敢即乘服當歸國獻其君君命與之則臣乃乘服耳若君未有命即不敢乘服也 君賜者明受君賜拜謝之法也 替首者頭至地 據掌者據案也謂卻右手而覆左手案於右手之上也 致諸地者致至也謂頭及手俱至地左手案於右手之上至地也 酒肉之賜弗再拜者亦謂君賜也再猶重也酒肉輕但初賜至時則拜至明日不重往拜也 凡賜君子與小人不同日者凡於君子小人也不同日者慎尊卑之雜也 凡獻於君大夫使宰士親皆再拜稽首送之也敬也

膳於君有葷桃茆於大夫去茆於士去葷

皆造於膳宰

膳美食也葷桃茆辟凶邪也大夫用葷桃士桃而已葷薑及辛菜也茆茆

帚也造於膳宰既致命而授之葷或作焄

大夫不親拜為君之答已

也

不敢變動至尊

疏

正義曰此一節論臣獻君之物及致膳於尊者之義凡獻於君者凡於大夫

士也謂大夫士有食獻君法也

大夫使宰者大夫尊恐

君拜已之獻故不自往而使已膳宰往獻也

士親者以

士賤不嫌君拜故身自親送也

皆再拜稽首送之者雖

大夫使人初於家亦自拜送而宰將命及士自送至於君

門付小臣之時宰及士皆再拜而送之也

膳於君有葷

桃茆者美食曰膳謂天子諸侯之臣獻熟食於君法也恐

邪氣干犯故用辟凶邪之物覆之葷謂薑之屬也桃桃枝

也茆茆帚也

於大夫去茆者謂大夫之臣以食獻大夫

降於正君除去茹餘有葷與桃也 於士去葷者謂士之
 臣吏以食獻士也又去葷唯餘桃耳 皆造於膳宰者皆
 皆於君大夫士也造至也膳宰主飲食官也獻熟食者操
 醬齊以致命致命竟而以所獻之食悉付主人之食官也
 大夫不親拜為君之答已也者解大夫所以不
 自獻義也自獻則屈動君拜答已也故不親也 大夫

拜賜而退士待諾而退又拜弗答拜 小臣受大

夫之拜復以入告 大夫親賜士士拜受又拜於 大夫拜便辟也

其室衣服弗服以拜 異於君惠也拜受又就拜 敵 於其家是所謂再拜也

者不在拜於其室 謂來賜時不見也 凡於尊者 見則不復往也

有獻而弗敢以聞 此謂獻辭也少儀曰君將適他 臣若致金玉貨貝於君則曰致

馬資於有司
是其類也

士於大夫不承賀下大夫於上

大夫承賀

承受也士有慶事不聽大夫親來賀已不敢變動尊也

親在行禮

於人稱父人或賜之則稱父拜之

事統於尊

疏

正義曰此一節明尊卑受賜拜謝之禮各隨文解之 大夫拜賜而退者大夫往拜至於門外告君之小臣小臣受其辭入以白君小臣亦入大夫乃拜之拜竟則退不待白報恐君召進荅已故也 士待諾而退者君不拜士士故於外拜拜竟又待小臣傳君之報諾出以退 又拜者小臣傳君諾出則士又拜君之諾報也 弗荅拜者謂君不荅士拜也 大夫親賜士士拜受又拜於其室者初亦即拜受又往彼家拜也 衣服弗服以拜者得君賜服服以拜大夫輕故不服其所賜而往拜之也 注拜受至於也 正義曰所謂再拜也者前云酒肉之賜弗再拜此非酒肉

賜故再拜也 敵者不在拜於其室 其室獻者之家也敵

者相獻若當時主人在則主人拜受不復往彼家拜也若

獻時主人不在所留物置家主人還必往彼家拜謝獻也

若朋友則論語云朋友之饋非祭肉雖車馬不拜也 凡

於尊者有獻而弗敢以聞者 凡謂賤者也謂臣有獻於

君士有獻於大夫也不敢以聞者謂有物以獻尊者其辭

不敢云獻聞於尊者但當云致馬資於有司及贈從者之

屬也 此謂至類也 正義曰引少儀者證不敢聞也

他他國也君或朝天子或往朝諸侯若臣有金玉貨貝物

獻君當但云致馬資於有司不敢言獻君也言君尊恒足

應無所乏故也 士於大夫不承賀者承受也不受賀者

謂士有慶事不聽大夫親來賀已不敢變動尊者故也

下大夫於上大夫承 禮不盛服不充 禮盛者服充

賀者尊相近故受也 大事不崇曲 敬

故大喪不謁乘路車不式 謂祭天也周禮王

祀昊天上帝則服

大裘而冕乘玉路
或曰乘兵車不式

疏

正義曰此一節明禮盛者不崇小
敬禮不盛服不充者充猶襲也

服襲是充美於內唯盛禮乃然也故聘及執玉龜皆襲是
為盛禮故也故大裘不裼者證禮盛服充時也郊禮盛服
大裘則無別衣裼之是不見美也乘路車不式者路車謂
玉路郊天車也不式謂乘車從門閭過不式亦是禮盛不
為曲敬之例也父命呼唯而不諾手執業則投之食

在口則吐之走而不趨

至敬

親老出不易方

復不過時

不可以憂父母也易方為其不信已所處也復反也

親瘠色容

不盛此孝子之疏節也

言非至孝也瘠病也王季有疾文王色憂行不

能正

履父沒而不能讀父之書手澤存焉爾母

沒而杯圈不能飲焉口澤之氣存焉爾

孝子

見親之器物哀惻不忍用也

圈屈木所為謂庖厨之屬

疏

正義曰此一節明子事親之禮

父命呼者父

召子也命謂遣人呼非謂自喚也亦云為父命所呼也

唯而不諾者應之以唯而不稱諾唯恭於諾也

手執業

則投之食在口則吐之者急趨父命故投業吐食也

走而不趨者趨疾趨也但急走往而不暇疾趨也

親老出

不易方者方常也若啓往甲則不得往乙也若覓不見則

老人易憂愁也復不過時者復還也假旦啓云日中還

不得過中謂若屢易方親忽須見之則不復信已得往常

處也此云老者若親未老子出或苟有礙則亦許易方過

期也而論語云父母在不遠遊遊必有方亦當謂老者耳

親瘠者瘠病也謂父母病也

色容不盛者謂親之病孝

子當憂愁危懼行不能正履也今親病唯色容不充盛而

已不能顛顚憂愁危懼此乃是孝子疏簡之節言孝心不

篤也 父沒而不能讀父之書手澤存焉爾者凡孝子之情父沒之後而不忍讀父之書謂其書有父平生所持手之潤澤存在焉故不忍讀也 母沒而杯圈不能飲焉口澤之氣存焉爾者言孝子母沒之後母之杯圈不忍用之飲焉謂母平生口飲潤澤之氣存在焉故不忍用之經云不能者謂不能忍為此事書是男子之所有故父言書杯圈是婦人所用故母言杯圈也 君入門介拂闌大夫中棖與闌

之閒士介拂棖

此謂兩君相見也棖門楔也君入必中門上介夾闌大夫介士介鴈

行於後示不相訟也君

若迎聘客擯者亦然

賓入不中門不履闕

辟

者所從也此謂

聘客也闕門限

公事自闌西

聘享也

私事自闌

東

覲面也

疏

正義曰此一節論兩君朝聘卿大夫入門之儀各依文解之 君入門者此一經明

朝法也入門謂入大門也君必中門 介拂闌者介謂上介稍近君故拂闌 大夫中棖與闌之間者大夫之介微遠於闌故當棖與闌之間 士介拂棖者士介卑去闌遠故拂棖闌謂門之中央所豎短木也棖謂門之兩旁長木所謂門楔也介者副也 **注**此謂至亦然 正義曰以經云君入門故知兩君相見也云鴈行於後示不相訟也者鴈行參差節級崔氏皇氏並云君必中門者謂當棖闌之中主君在闌東賓在闌西主君上擯在君之後稍近西而拂闌賓之上介在賓之後稍近東而拂闌大夫擯介各當君後在棖闌之中央義或當然今依用之 賓入不中門不履闌者 前經明朝此經明聘賓入者賓謂聘賓也不中門謂不當闌西棖闌之中央也而稍東近闌也 不履闌者闌門限足不履踐門限之上以言賓入不中門故**注**云謂聘客也 公事自闌西者謂行聘享之禮聘享是奉君命而行故謂之公事自闌西用賓禮也 私事自闌東者謂私覲私面非行君命故謂之私事自闌東者從臣禮示

將為主君之臣也

君與尸行接武

尊者尚徐蹈半迹

大夫繼武

迹相及也

士中武

迹間容迹

徐趨皆用是

君大夫士之徐行也皆如

與尸行之節也

疾趨則欲發而手足毋移

疾趨謂直行也疏數

自若發謂起履也移之言靡也也毋移欲其直且正欲或為數

圈豚行不舉足齊

如流

圈轉也豚之言若有所循不舉足曳踵則衣之齊如水之流矣孔子執圭則然此徐趨也

席

上亦然

尊處亦尚徐也

端行頤雷如矢弁行剡剡起

履

此疾趨也端直也頤或為霍也

執龜玉舉前曳踵蹢蹢如

也

著徐趨之事

疏

正義曰此一節明行步徐趨疾趨之儀君與尸行接武者明貴賤與尸行步廣

狹不同也君天子諸侯也武迹也接武者二足相躡每蹈於半未得各自成迹故云接武也尊者舒遲故君及尸並步遲狹 大夫繼武者謂大夫與其尸行時繼武者謂兩足迹相接繼也大夫漸卑故與尸行步稍廣速也 士中武者謂士與其尸行也中猶閒也每徙足閒容一足地乃躡之也士極卑故及尸行步極廣也 徐趨皆用是者徐趨皆遲行也皆皆於君大夫士也是此也言皆用此與尸行步之節 疾趨則欲發者疾趨謂他事行禮須直身速行時也發起也既無所執持而欲屨頭恒起無復繼接之異其迹或疏或數自若尋常故注云疏數自若貴賤同然也 而手足毋移者移謂靡也搖動也雖屨恒欲起而手足猶宜直正不得邪低靡也搖動也 圈豚行者此釋上徐趨之形也圈轉也豚循也言徐趨法曳轉足循地而行也不舉足者謂足不離地 齊如流者齊裳下緝也足既不舉身又俯折則裳下委地曳足如水流狀也 席上亦然者然如是也言在席上未坐其行之時亦如是圈豚行

齊如流也 端行頤雷如矢者此一經覆上疾趨之節也

端行謂直身而行也頤雷者行既疾身乃小折而頭直俯

臨前頤如屋雷之垂也 如矢者矢箭也身趨前進不邪

如箭也 弁行者弁急也既是疾趨宜急行也 剡剡起

履者剡剡身起貌也急行欲速而身履恒起也 執龜玉

舉前曳踵蹢蹢如也者此一經論徐趨之事言執龜王之

時有此徐趨也 舉前曳踵者踵謂足後跟也謂將行之

時初舉足前後曳足跟行不離地蹢蹢如也言舉足狹數

蹢蹢如也 凡行容惕惕 惕惕直疾貌也 廟中齊齊

恭慤 貌也 朝廷濟濟翔翔 莊敬 疏 正義曰此一節

貌也 朝廷濟濟翔翔 貌也 疏 明道路廟中朝

廷行步之法 凡行容惕惕者惕惕直而疾貌也道路雖

速疾又不忘於直故其容直而疾也 廟中齊齊者齊齊

自收持嚴正之貌也以對神不敢舒散故貌恭慤齊齊然

朝廷濟濟翔翔者濟濟有威儀矜莊也翔翔行而張拱

也並朝廷
所須也
君子之容舒遲見所尊者齊遯慤

貌也遯猶
蹙蹙也
足容重舉欲遲也
手容恭高且正也
目容端

不睇
視也
口容止不妄動也
聲容靜不噦也
頭容直不傾

顧也
氣容肅似不息也
立容德如有予也
色容莊勃如戰色

坐如尸尸居神位敬慎也
燕居告溫溫告謂教使也詩云溫溫恭人
疏

正義曰此一節明君子動止之儀手足口目之即也
君子之容舒遲者舒遲閑雅也見所尊者齊遯者君子雖尋常舒遲若見所尊之人則齊遯齊謂齊齊也遯謂蹙蹙言自斂持迫促不敢自寬奢故注云謙慤貌也是齊遯為謙敬之貌皇氏云齊謂裳下緝遯謂蹙蹙見所尊之人自附下身裳下蹙斂則齊蹙是裳之體注何得云謙慤貌也

皇氏說非也 目容端者目宜端正不邪睇而視之 立

容德者德得也立則磬折如人授物與己已受得之形也

賀云德有所施與之名也立時身形小俯嚮前如授物與

人時也故注云如有予也會前兩注也 色容莊者欲當

矜莊勃如戰色不乍變動也 燕居告溫溫者燕居謂私

燕所居也色尚和善教人使人之時唯須溫溫不欲嚴慄

注詩云溫溫恭人 正義曰此 凡祭容貌顏色 詩小雅小宛之篇刺幽王之詩

如見所祭者 **疏** 正義曰此一節明祭之時 如覩其 人在此 也凡祭謂諸祭也容貌顏

色如見所祭者容貌恭敬顏色溫 喪容 羸羸 貌也 羸羸 貌也 和如似見所祭之人謂祭如在也

色容顛顛 憂思 貌也 視容瞿瞿 不審 貌也 言

容繭繭 聲氣 微也 **疏** 正義曰此一節論居喪容貌言語 瞻視之儀 喪容 羸羸 者謂容貌

瘦瘠壘壘然 色容顛顛者顏色憂思顛顛然不舒暢也

視容瞿瞿梅梅者瞿瞿驚遽之貌梅梅猶微微謂微昧

也孝子在喪所視不審故瞿瞿梅梅然 言戎容暨暨

容繭繭者繭繭猶縣縣聲氣微細繭繭然

果毅貌也 言容詒詒 教令嚴也 色容厲肅 儀形貌也 視容

清明 察於事也 立容辨卑母譖 辨讀為貶自貶卑謂磬折也譖為傾身以

有下也 頭頸必中 頭容直 山立 不動搖也 時行 時而後行也詩

云威儀 盛氣顛實揚休 顛讀為闐揚讀為陽聲之誤也盛身中之氣使

之闐滿其息若 玉色 正不 疏 正義曰此一節明戎容之體暨暨果毅剛

強之貌 言容詒詒者謂教令嚴猛也軍旅行教令宜嚴猛也 色容厲肅者厲嚴也肅威也軍中顏色尚威嚴也

以義斷割使義形貌故嚴威也 視容清明者謂瞻視之
容須清察明審 立容辨卑者謂在軍中立之形容當貶
損卑退磬折恭敬不得驕敖忽略士卒 母調者軍中尚
威武雖自貶退當有威可畏無得過焉調曲以屈下於人
頭頸必中者頭容直不低迴也 山立者若住立則疑如
山之固不搖動也樂記云摠干而山立不動搖也 時行
者觀時而行也 盛氣顛實揚休者顛塞也實滿也揚陽
也休養也言軍士宜怒其氣塞滿身中使氣息出外咆勃
如盛陽之氣生養萬物也 玉色者 凡自稱天子曰
軍尚嚴肅故色不變動常使如玉也

予一人

謙自別於人而已

伯曰天子之力臣

伯上公九命分陝者

諸侯之於天子曰某土之守臣某其在
邊邑曰某屏之臣某其於敵以下曰寡

人小國之君曰孤擯者亦曰孤

邊邑謂九州之外大國之

君自稱曰寡人
擯者曰寡君

上大夫曰下臣擯者曰寡君之

老下大夫自名擯者曰寡大夫世子自名

擯者曰寡君之適

擯者之辭主謂見於他國君下
大夫自名於他國君曰外臣某

公子曰臣孽

孽當為疥
聲之誤

士曰傳遽之臣於

大夫曰外私

傳遽以車馬給使者也
士臣於大夫者曰私人

大夫私事

使私人擯則稱名

私事使謂以君命私行非聘也
若魯成公時晉侯使韓穿來言

汶陽之田歸
之于齊之類

公士擯則曰寡大夫寡君之老

大夫有所往必與公士為賓也

謂聘也大聘使上大夫小

聘使下大夫公士為

賓謂作介也往之也

疏

正義曰此一節明天子以下至士自稱及擯者傳辭之法也各

隨文解之

凡自稱天子曰予一人者案曲禮下云天子

曰余一人予余不同者鄭注曲禮云余予古今字耳蓋古

稱予今稱余其義同此云自稱曲禮注云擯者辭則天子

與臣下言及遣擯者接諸侯皆稱予一人言我於天下之

內但祇是一人而已自謙退言與餘人無異若臣下稱一

人則謂率土之內唯有此一人尊之也 伯曰天子之力

臣案曲禮云天子之吏不同者此謂自稱謂身自稱於諸

侯也言己是天子運力之臣曲禮所云謂二伯擯於天子

曰天子之吏鄭注曲禮云擯者辭以此不同也皇氏云所

以不同者殷周之異不顧經文謬為異說其義非也 諸

侯至曰孤明諸侯自稱之號

諸侯之於天子曰某土之

守臣某者謂諸侯身對天子自稱辭故上文揔以自稱冠

之若諸侯上介致辭於天子之擯者亦當然也其天子之
擯告天子則曰臣某侯某故曲禮云諸侯之於天子曰臣
某侯某鄭注曲禮謂畱夫承命告天子辭也 其在邊邑
曰某屏之臣某者謂在九州之外邊鄙之邑自稱於天子
云某屏之臣某若使上介告天子之擯亦當然其天子之
擯告天子則曰臣某子某某男某故曲禮云其在東夷比
狄西戎南蠻雖大曰子注云入天子之國曰子男者亦曰
男是也此與曲禮不同者亦以自稱及擯者不同皇氏皆
以爲殷周之異其義非也 其於敵以下曰寡人者謂諸侯
於敵以下自稱寡人言以下通及民也故曲禮云其與民
言自稱曰寡人是也 小國之君曰孤擯者亦曰孤者此
謂夷狄子男之君自稱及介傳命云某土之孤某故云小
國之君曰孤擯者告天子亦應云某孤云擯者亦曰孤其
在國自稱亦曰孤故曲禮云庶方小侯於外曰子自稱曰
孤是也 大國至寡君 正義曰案春秋大夫出使之
時稱已君爲寡君則知爲君擯者稱已君爲寡君也 上

大至之適 正義曰此一節明上下大夫世子在己國及
出使往他國稱謂之異 上大夫曰下臣者上大夫卿也
自於己君之前稱曰下臣君前臣名稱下臣某也 擯者
曰寡君之老者謂此上大夫出使他國在於賓館主國致
禮上大夫設擯禮待之此擯者稱大夫為寡君之老雖以
擯為文其實謂介接主君之時辭亦當然擯介通也 下
大夫自名者謂對己君稱名而已不敢稱下臣卑遠於卿
也 擯者曰寡大夫者謂下大夫出使設擯者以待主國
此擯者稱下大夫云寡大夫不敢稱寡君之老 世子自
名者謂對己國之君稱名 擯者曰寡君之適謂對他國
之辭 擯者至臣某 正義曰擯者之辭主謂見他國
君則是出使之臣在客曰介當云介而云擯者謂出使他
國在於賓館主國致禮已為主故稱擯也且擯介散文
則通也云下大夫自名於他國君曰外臣某者如鄭此言
則下大夫自名謂對己君也則經云上大夫曰下臣亦對
己君也故熊氏以為皆對己君而皇氏云對他國君違鄭

注意其義非也 公子曰臣孽稱臣謂對已君也若對他國當云外臣注從枿者枿是樹生之餘故盤庚云若顛木之有由孽是也 士曰至外私 遽是促遽士位卑給車馬役使故稱傳遽亦謂對已君也皇氏以爲對他國君其義亦通 於大夫曰外私者凡大夫家臣稱私此士既不與大夫爲臣故對大夫稱曰外私 注士臣於大夫者曰私人 正義曰此文云大夫私事使私人擯則稱名故知大夫之臣曰私人也 大夫至稱名 大夫私事使者謂非正聘之禮謂以君之私事而出使 私人擯則稱名者謂以已之屬臣爲擯相雖是上大夫及下大夫擯者則皆稱大夫之名以其非公事正聘故降而稱名也 注若魯至之類 正義曰案成二年晉及魯衛伐齊使齊人歸魯汶陽之田至成八年齊人服晉晉侯使韓穿來言汶陽之田歸之于齊云之類者若乞師告糴故云之類 公士至賓也 前經明大夫以君之私事出使此經明大夫以國之公事 出聘及私問也 公士擯者謂正聘之時則

用公家之士爲擯不用私人也 則曰寡大夫寡君之老
者若小聘使下大夫擯者則稱下大夫曰寡大夫若大聘
使上大夫擯者則稱上大夫曰寡君之老 大夫有所往
必與公士爲賓也者覆明上正聘使公士爲擯之事往謂
之適也言大夫正聘者有所往之適之時必與公士爲賓
賓介也言使公士作介也 **注**大聘至大夫 正義曰案
聘禮及竟張旌周禮孤卿建旌故知大聘使卿聘禮又云
小聘曰問其禮如爲介案大聘大夫爲上介今云如其爲
介故知小聘
是大夫也

禮記正義卷第四十



禮記正義卷第四十一

孫氏

國子祭酒上護軍曲阜縣開國子臣孔穎達等奉

勅撰

明堂位第十四

正義曰案鄭目錄云名曰明堂者以其記諸侯朝周公於明堂之時所陳列之位也在國之陽其制東西九筵南北七筵堂崇一筵五室凡室二筵此於別錄屬明堂陰陽案異義今戴禮說盛德記曰明堂者自古有之凡九室室四戶八牖共三十六戶七十二牖以茅蓋屋上圓下方所以朝諸侯其外有水名曰辟雍明堂月令說明堂高三丈東西九仞南北七筵上圓下方四堂十二室室四戶八牖其官方三百步在近郊三十里講學大

夫淳于登說云明堂在國之陽三里之外七里之內丙巳之地就陽位上圓下方八窓四闥布政之宮故稱明堂明堂盛貌周公祀文王於明堂以配上帝五精之神大微之庭中有五帝坐位古周禮孝經說明堂文王之廟夏后氏曰世室殷人曰重屋周人曰明堂東西九筵南北七筵堂崇一筵五室凡室二筵蓋之以茅周公所以祀文王於明堂以昭事上帝許君謹案今禮古禮各以義說無明文以知之鄭駁之云戴禮所云雖出盛德篇云九室三十六戶七十二牖似秦相呂不韋作春秋時說者蓋非古制也四堂十二室字誤本書云九堂十二室淳于登之言取義於孝經援神契說宗祀文王於明堂以配上帝曰明堂者上圓下方八窓四闥布政之宮在國之陽帝者諦也象上可承五精之神五精之神實在大微在辰爲巳是以登云然今漢立明堂於丙乙由此爲之如鄭此言用淳于登之說此別錄所云依孝工記之文然先代諸儒各爲所說不一故蔡邕明堂月

令章句明堂者天子大廟所以祭祀夏后氏世室殷人重屋
周人明堂饗功養老教學選士皆在其中故言取正室之
貌則曰大廟取其正室則曰大室取其堂則曰明堂取其
四時之學則曰大學取其圓水則曰辟廱雖名別而實
同鄭必以爲各異者素準正論明堂宗廟大學禮之本
物也事義不同各有所爲而世之論者合以爲一體取
詩書放逸之文經典相似之語推而致之考之人情失
之遠矣宗廟之中人所致敬幽隱清淨鬼神所居而使
衆學處焉饗射其中人鬼慢黷死生交錯囚俘截耳瘡
痍流血以干鬼神非其理也茅茨采椽至質之物建日
月乘玉路以處其中非其類也夫宗廟鬼神所居祭天
而於人鬼之室非其處也王者五門宗廟在一門之內
若射在於廟而張三侯又辟廱在內人物衆多殆非宗
廟之中所能容也如準之所論是鄭不同之意然考工
記明堂南北七筵每室二筵則南北三室居六筵室外
南北唯有一筵宗廟路寢制如明堂旣殯在路寢室外

得容殯者路寢雖制似明堂其飾不敢踰廟其實寬大矣故多士傳云天子堂廣九雉三分其廣以二為內五分其內以一為高東房西房北堂各三雉是其闊得容殯也或可殯在中央土室之前近西在金室之東不必要在堂簷之下

昔者周公朝諸侯于明堂之位

周公攝王位以明堂之禮

儀朝諸侯也不於宗廟辟王也

天子負斧依南鄉而立

天子周公也負之言

背也斧依為斧文屏風於戶牖之間周公於前立焉

三公中階之前北面東

上諸侯之位阼階之東西面北上諸伯之

國西階之西東面北上諸子之國門東北

面東上諸男之國門西北面東上九夷之
國東門之外西面北上八蠻之國南門之
外北面東上六戎之國西門之外東面南
上五狄之國北門之外南面東上九采之
國應門之外北面東上四塞世告至此周

公明堂之位也

朝之禮不於此周公權用之也朝位之上上近主位尊也九采九州

之牧典貢職者也正門謂之應門二伯帥諸侯而入牧居
外而糾察之也四塞謂夷服鎮服蕃服在四方為蔽塞者
新君即位則乃朝周禮侯服歲一見甸服二歲一見男服
三歲一見采服四歲一見衛服五歲一見要服六歲一見

九州之外謂之

蕃國世一見

疏

正義曰此一節明周公朝諸侯於明堂之儀及諸侯夷狄所立之處各依

文解之

注周公至王也

正義曰周公攝王位者攝代

也以成王年幼周公代之居位故云攝王位然周公攝位而死稱薨不云崩魯隱公攝諸侯之位而稱薨同正諸侯者鄭箴膏肓云周公歸政就臣位乃死何得記崩隱公見死於君位不稱薨云何又玄發墨守云隱為攝位周公為攝政雖俱相幼君攝政與攝位異也云不於宗廟辟王也者案觀禮諸侯受次于廟門外是覲在廟今在明堂故云辟王謂辟成王也

注天子至立焉

正義曰以周公

朝諸侯居天子位故云天子周公也故大誥云王若曰鄭云王謂周公居攝命大事則權稱王也王肅以為稱成王命故稱王與鄭異也王肅以家語之文武王崩成王年十三鄭康成用衛宏之說武王崩時成王年十歲與王肅異也云斧依為斧文屏風於戶牖之間者釋宮云牖戶之間謂之袞今云斧依故知為斧文屏風於戶牖間皇氏云在

明堂中央大室戶牖間 三公中階之前北面東上此以下一經明朝位之法周公已居天子位餘有二公而云二公者舉國本數言之中階者南面三階故稱中 諸侯之位阼階之東西面北上者侯對伯爲尊故在阼階阼階近主位也案諸伯以下皆云之國此云位者以三公既云中階之前不云位諸侯在諸國之上特舉位言之明以下皆朝位也 九夷之國東門之外西面北上者皇氏云在東門外之南故北上 八蠻之國南門之外北面東上者皇氏云在南門外之西故東上 六戎之國西門之外東面南上者皇氏云在西門外之北故南上 五狄之國北門之外南面東上者皇氏云在北門外之東今案經云東上則宜在北門外之西故東上 九采之國應門之外北面東上皇氏云在應門外之西此是九州之牧謂之采者以采取當州美物而貢天子故王制云千里之外曰采注云取其美物以當穀稅采亦是事言各掌其當州諸侯之事即此注云牧居外而糾察之是也 四塞卅告至者此謂九州之外

夷鎮蕃三服夷狄爲四方蕃塞每世一來朝告至或新王即位而來朝或已君初即位故云世告至也

注

朝位至

一見正義曰上近主位尊也者三公則東上侯尊於伯故在東子尊於男亦在東是上近主位尊也云正門謂之應門者以明堂更無重門非路門外之應門以爾雅釋宮云正門謂之應門李巡云宮中南嚮大門應門也應是當也以當朝正門故謂之應門但天子宫內有路寢故應門之內有路門明堂旣無路寢故無路門及以外諸門但有應門耳云二伯帥諸侯而入者案顧命畢公率東方諸侯入應門右召公率西方諸侯入應門左是也云牧居外而糾察之也者伯旣領之入應門故牧居應門外糾察諸侯後入不如儀者引周禮侯服歲一見以下是大行人文也引之者證夷狄世一見則經之四塞世告至是也其夷狄之名此云九夷八蠻六戎五狄案職方云四夷八蠻七閩九貉五戎六狄爾雅釋地文云九夷八狄七戎六蠻謂之四海不同者爾雅釋地所云謂殷代此明堂周公朝諸侯

及職方並謂周禮但戎狄之數五六不同故鄭志趙商問
曰職方掌四夷八蠻七閩九貉五戎六狄之數注云周之
所服國數明堂云朝位服事之國數夷九蠻八戎六狄五
禮文事異不達其數故鄭荅云職方四夷謂四方夷狄也
九貉即九夷在東方八蠻在南方閩其別也戎狄之數或
六或五兩文異爾雅雖有與同皆數爾無別國之名不甚
明故不定也如鄭此言夷狄之名既無別國顯其名數或六或五不可知也

明堂也者明

諸侯之尊卑也

朝於此所以

疏

正義曰所以朝
諸侯於明堂者

欲顯明諸侯之尊卑故就尊嚴之處以朝之
等也 正義曰解周公所以朝侯在此明堂之意云正儀
辨等者大司馬職文彼云設
儀辨位以等邦國鄭略言之

昔殷紂亂天下脯鬼

侯以饗食諸侯

以人肉為薦
羞惡之甚也

是以周公相武

王以伐紂武王崩成王幼弱周公踐天子

之位以治天下六年朝諸侯於明堂制禮

作樂頒度量而天下大服

踐猶履也頒讀為班度謂丈尺高卑廣狹

也量謂豆區斗斛筐筥所容受

七年致政於成王成王以周公

為有勲勞於天下

致政以王事歸授之王功曰勲事功曰勞

疏

正義曰此

一節明周公有勲勞之事以殷紂亂天下周公相武王而伐之成王幼不能蒞阼周公踐天子之位以攝之有大勲勞於天下所以封周公於魯行天子之禮樂及四代服器脯鬼侯者周本紀作九侯故庾氏云史記本紀云九侯有女入於紂九侯女不好淫紂怒殺之九與鬼聲相近故有不同也武王崩成王幼弱者家語云武王崩成王年

十三鄭康成則以爲武王崩成王年十歲是幼弱也 六年朝諸侯於明堂制禮作樂頒度量者周公攝政三年天下太平六年而始制禮作樂者書傳云周公將制禮作樂優游三年而不能作將大作恐天下莫我知也將小作則爲人子不能揚父之功烈德澤然後營洛邑以期天下之心於是四方民大和會周公曰示之以力役且猶至而況導之以禮樂乎其度量六年則頒故鄭注尚書康王之誥云攝政六年頒度量制其禮樂成王即位乃始用之故洛誥云王肇稱殷禮祀于新邑是攝政七年冬也鄭云猶用殷禮者至成王即位乃用周禮是也其周公制禮攝政孔鄭不同孔以武王崩成王年十三至明年攝政管叔等流言故金縢云武王既喪管叔及其群弟流言於國曰公將不利於孺子時成王年十四即位攝政之元年周公東征管蔡後二年克之故金縢云周公居東二年則罪人斯得除往年時成王年十六攝政之三年也故詩序云周公東征三年而歸攝政七年營洛邑封康叔而致政時成王年

二十故孔注洛誥以時成王年二十是也鄭則以爲武王崩成王年十歲周書以武王十二月崩至成王年十二月喪畢成王將即位稱己小求攝周公將代之管蔡等流言周公懼之辟居東都故金縢云武王既喪管叔等流言周公乃告二公曰我之不辟無以告我先王既喪謂喪服除辟謂辟居東都時成王年十三明年成王盡執拘周公屬黨故金縢云周公居東二年則罪人斯得罪人謂周公屬黨也時成王年十四至明年秋大孰有雷風之異故鄭注金縢云秋大孰謂二年之後明年秋迎周公而反反則居攝之元年時成王年十五書傳所謂一年救亂明年誅武庚管蔡等書傳所謂二年克殷明年自奄而還書傳所謂三年踐奄四年封康叔書傳所謂四年建侯衛時成王年十八也故康誥云孟侯書傳云天子大子十八稱孟侯明年營洛邑故書傳云五年營成周六年制禮作樂七年致政於成王時成王年二十一明年乃即政時年二十二也禮既是鄭學故具詳焉

注

致政至曰勞

正義曰

致政以王事歸授之者案洛誥云朕復子明辟是以王事歸授之也云王功曰勲事功曰勞者是司勲職文彼注云王功輔成王業若周公也事功曰勞者注云以勞定國若禹也周公則勲勞兼有也

是以封周

公於曲阜地方七百里革車千乘

曲阜魯地上公

之封地方五百里加魯以四等之附庸方百里者二十四并五五二十五積四十九開方之得七百里革車兵車也兵車千乘成國之賦也詩魯頌曰王謂叔父建爾元子俾侯于魯大啓爾宇爲周室輔乃命魯公俾侯于東錫之山川土田附庸又曰公車千乘朱英綠滕

命魯公世世祀周公以天

子之禮樂

同之於周尊之也魯公謂伯禽

是以魯君孟春

乘大路載弧韞旂十有二旒日月之

禮記卷四十一
章祀帝于郊配以后稷天子之禮也

孟春建子之月魯之始郊日以至大路殷之祭天車也弧旌旗所以張幅也其衣曰韠天子之旌旗畫日月帝謂著帝靈威仰也昊天上帝魯不祭季夏六月以禘禮祀周公於

大廟牲用白牡尊用犧象山罍鬱尊用黃目灌用玉瓚大圭薦用玉豆雕篋爵用玉琖仍雕加以璧散璧角俎用梡嶷升歌清廟下管象朱干玉戚冕而舞大武皮弁素積裼而舞大夏昧東夷之樂也任南蠻之

樂也納夷蠻之樂於大廟言廣魯於天下

也

季夏建巳之月也禘大祭也周公曰大廟魯公曰世室羣公稱宮白牡殷牲也尊酒器也犧尊以沙羽爲

畫飾象骨飾之鬱鬯之器也黃彝也灌酌鬱尊以獻也瓚形如槃容五升以大圭爲柄是謂圭瓚簋籩屬也以竹爲之雕刻飾其直者也爵君所進於尸也仍因也因爵之形爲之飾也加加爵也散角皆以駢飾其口也琬始有四足也巖爲之距清廟周頌也象謂周頌武也以管播之朱干赤大盾也戚斧也冕冠名也諸公之服自衮冕而下如王之服也大武周舞也大夏夏舞也周禮昧師掌敎昧樂詩曰以雅以南以簫不僭廣大也

君卷冕立

于阼夫人副褱立于房中君肉袒迎牲于

門夫人薦豆籩卿大夫贊君命婦贊夫人

各揚其職百官廢職服大刑而天下大服

副首飾也今之步搖是也詩云副笄六珈周禮追師掌王后之首服為副褱王后之上服唯魯及王者之後夫人服之諸侯夫人則自揄翟而下贊佐也命婦於內則世婦也於外則大夫之妻也祭祀世婦以下佐夫人揚舉也大刑重罪也天下大服知周公之德宜饗此也是故夏禘秋嘗冬烝春社

秋省而遂大蜡天子之祭也

不言春祠魯在東方王東巡守以春

或闕之省讀為獮獮秋田名也春田祭社秋田祀祊大蜡歲十二月索鬼神而祭之

大廟天子

明堂庫門天子臯門雉門天子應門

言廟及門

如天子之制也天子五門臯庫雉應路魯有庫雉路則諸侯三門與臯之言高也詩云乃立臯門臯門有伉乃立應

門應門將將振木鐸於朝天子之政也天子將發號令必以木鐸

警衆山節藻梲復廟重檐刮楹達鄉反玷出

尊崇玷康圭疏屏天子之廟飾也山節刻樽盧爲

山也藻梲畫侏儒柱爲藻文也復廟重屋也重檐重承壁材也刮刮摩也鄉牖屬謂夾戶窓也每室八窓爲四達反玷反爵之玷也出尊當尊南也唯兩君爲好既獻反爵於其上禮君尊于兩楹之間崇高也康讀爲亢龍之亢又爲高玷亢所受圭奠于上焉屏謂之樹今浮鸞鳥車有虞思也刻之爲雲氣蟲獸如今闕上爲之矣

氏之路也鉤車夏后氏之路也大路殷路也

乘路周路也鸞有鸞和也鉤有曲輿者也大路木路也乘路王路也漢祭天乘殷之路

也今謂之桑根車也春秋傳曰大路素鸞或為纁也

有虞氏之旂夏后氏

之綏殷之大白周之大赤

四者旌旗之屬也綏當為綏讀如冠韡之

韡有虞氏當言綏夏后氏當言旂此蓋錯誤也綏謂注旄牛尾於杠首所謂大麾書云武王左杖黃鉞右乘白旄以麾周禮王建大旂以賓建大赤以朝建大白以即戎建大麾以田也

夏后氏駱馬黑

鬣虬人白馬黑首周人黃馬蕃鬣夏后

氏牲尚黑殷白牡周駢剛

順正色也白馬黑鬣曰駢駢黑首為

純白凶也駢剛赤色

泰有虞氏之尊也山壘夏后氏之尊

也著殷尊也犧象周尊也

泰用瓦著著地無足

爵夏

后氏以琖殷以斚周以爵

斚畫禾稼也詩曰洗爵奠斚

灌

尊夏后氏以雞夷殷以斚周以黃目其勺

夏后氏以龍勺殷以疏勺周以蒲勺

夷讀為彝

周禮春祠夏禴裸用雞彝彝鳥彝秋嘗冬烝裸用斚彝黃彝龍龍頭也疏通刻其頭蒲合蒲如鳧頭也

土鼓

蕢桴葦簫伊耆氏之樂也

蕢當為由聲之誤也簫如笛三孔伊耆氏

古天子有天下之號也今有姓伊耆氏者

拊搏玉磬拊擊大琴大瑟

中琴小瑟四代之樂器也

拊搏以韋為之充之以糠形如小鼓拊擊

謂祝敵皆所以節樂者也四代虞夏殷周也

魯公之廟文世室也武

公之廟武世室也

此二廟象周有文王武王之廟也世室者不毀之名也魯公伯

禽也武公伯禽之玄孫也名敖

米廩有虞氏之庠也序夏后

氏之序也瞽宗殷學也類宮周學也

庠序亦學

也庠之言詳也於以考禮詳事也魯謂之米廩虞帝上孝今藏粢盛之委焉庠次序王事也瞽宗樂師瞽朦之所宗也古者有道德者使教焉死則以為樂祖於此祭之類之言班也於以班政教也

崇鼎貫鼎

大璜封父龜天子之器也

崇貫封父皆國名文王伐崇古者伐國遷

其重器以分同姓大璜夏后氏之璜春秋傳曰分魯公以夏后氏之璜

越棘大弓天

子之戎器也

越國名也棘戟也春秋傳曰子都拔棘

夏后氏之

鼓足殷楹鼓周縣鼓

足謂四足也楹謂之柱貫中上出也縣縣之簔虞也殷

頌曰植我鼗鼓周頌曰應輦縣鼓

垂之和鍾叔之離磬女媧之

笙簧

垂堯之共工也女媧三皇承宓義者叔未聞也和離謂次序其聲縣也笙簧笙中之簧也世本作曰

垂作鍾無句作磬女媧作笙簧

夏后氏之龍簔虞殷之崇牙

周之辟翬

簔虞所以縣鐘磬也橫曰簔飾之以鱗屬植曰虞飾之以羸屬羽屬簔以大版

爲之謂之業殷又於龍上刻畫之爲重牙以挂縣絃也周又畫繒爲翬戴以辟垂五采羽於其下樹於簔之角上飾彌多也周頌曰設業設虞崇牙樹羽有虞氏之兩敦夏后氏之四

璉殷之六瑚周之八簋

皆黍稷器制之異同未聞

俎有虞

氏以梲夏后氏以嶽殷以棋周以房俎梲斷

木為四足而已嶽之言蹙也謂中足為橫距之象周禮謂之距棋之言枳棋也謂曲撓之也房謂足下跗也上下兩

間有似於堂房魯頌曰籩豆大房夏后氏以楬豆殷玉豆周獻

豆楬無異物之飾也獻䟽刻之齊人謂無髮為禿楬有虞氏服韍夏后

氏山殷火周龍章韍冕服之韠也舜始作之以尊祭服禹湯至周增以畫文

後王彌飾也山取其仁可仰也火取其明也龍取其變化也天子備焉諸侯火而下卿大夫山士韎韐而已韍或作

黻有虞氏祭首夏后氏祭心殷祭肝周祭

肺氣主盛也夏后氏尚明水殷尚醴周尚酒此皆

其時之用
耳言尚也

有虞氏官五十夏后氏官百殷二

百周三百

周之六卿其屬各六十則周三百六十官也此云三百者記時冬官云矣昏義曰天

子立六官三公九卿二十七大夫八十一元士凡百二十
蓋謂夏時也以夏周推前後之差有虞氏官宜六十夏后
氏宜百二十殷宜二百
四十不得如此記也

有虞氏之綏夏后氏之

綢練殷之崇牙周之璧翬

綏亦旌旗之綏也
夏綢其杠以練為

之旅殷又刻繒為重牙以飾其側亦飾彌多也湯以武受
命恒以牙為飾也此旌旗及翬皆喪葬之飾周禮大喪葬
巾車執蓋從車持旌御僕持翬旌從遣車翬夾柩路左右
前後天子八翬皆戴璧垂羽諸侯六翬皆戴圭大夫四翬
士二翬皆戴綏孔子之喪公西赤為志亦用此焉爾
雅說旌旗曰素錦綢杠繡白繆素升龍於繆練旒九
凡

四代之服器官魯兼用之是故魯王禮也

天下傳之久矣君臣未嘗相弑也禮樂刑

法政俗未嘗相變也天下以為有道之國

是故天下資禮樂焉

王禮天子之禮也傳傳世也資取也此蓋盛周公之

德耳春秋時魯三君弑又士之有誅由莊公始婦人鬻而弔始於臺駘云君臣未嘗相弑政俗未嘗相變亦近誣矣

資或

疏

正義曰自此以下皆為周公有勳勞之事故成為飲王特賜魯家用天子之禮兼四代服器各隨文

解之

注

曲阜至綠滕

正義曰云曲阜魯地者案費誓

序云魯侯伯禽宅曲阜又案定四年左傳封於少皞之虛

臣瓚注漢書云魯城內有曲阜逶迤長八九里云加魯以四等之附庸者魯受上公五百里之封又加四等附庸四

等謂侯伯子男也案大司徒注云公無附庸侯附庸九同伯附庸七同子附庸五同男附庸三同揔爲二十四同同謂百里也旣受五百里之封五五二十五爲二十五同又加二十四同故云積四十九開方計之得七百里云兵車千乘成國之賦也者案左傳云成國不過半天子之軍案論語千乘之賦居地方三百一十六里有畸諸侯之地三百里而下未成國也公則五百里侯四百里計地餘有千乘故謂之成國引詩魯頌以下者詩頌闕宮文也引之者證魯廣開土宇兵車千乘之事云朱英綠滕者言以朱爲英飾以綠爲滕約也 **注**同之至伯禽 正義曰同之於周者謂同此周公於周之天子云魯公謂伯禽者尚書費誓云魯侯伯禽宅曲阜時伯禽歸魯周公不之魯故公羊文十三年傳封魯公以爲周公也周公拜乎前魯公拜乎後曰生以養周公死以爲周公主然則周公之魯乎曰不之魯也曷爲不之魯欲天下之一乎周也言若周公之魯恐天下歸心於魯故不之魯使天下一心以事周 **注**孟

春至不祭

正義曰知孟春是建子之月者以下云季夏

六月以禘禮祀周公若是夏之季夏非禘祭之月即是周之季夏明此孟春亦周之孟春又雜記孟獻子曰正月日至可以有事於上帝故知此孟春是建子之月也云魯之始郊日以至者郊特牲云周之始郊日以至鄭既破周爲魯故云魯郊日以至云大路殷之祭天車也者以下文云大路殷路知祭天車者以祭天尚質器用陶匏大路一就故知是祭天所用也以尊敬周公故用先代殷禮牲用白牡車乘殷路云弧旌旗所以張幅也者弧以竹爲之其形爲弓以張縵之幅故考工記弧旌枉矢以象弧也注云弧以張縵之幅云其衣曰韠者謂此弓之衣謂之爲韠云天子之旌旗畫日月者周禮日月爲常又云王建大常此云日月之章與天子同也云帝謂蒼帝靈威仰者鄭恐是昊天上帝故明之云靈威仰也知非昊天上帝者以其配后稷后稷唯配靈威仰不配昊天上帝也鄭以此經唯云配以后稷故知昊天上帝魯不祭也 季夏至下也 正義

曰此一節明禘禮祀周公於大廟文物具備之儀 牲用
白牡者白牡殷牲尊敬周公不可用己代之牲故用白牡
尊用犧象山罍者魯得用天子之尊也犧犧尊也周禮
春夏之祭朝踐堂上薦血腥時用以盛醴齊君及夫人所
酌以獻尸也象象尊也周禮春夏之祭堂上薦朝事竟尸
入室饋食時用以盛盎齊君及夫人所酌以獻尸也山罍
謂夏后氏之尊天子於追享朝享之祭再獻所用今褒崇
周公於禘祭之時亦雜用山尊但不知何節所用 鬱尊
用黃目者鬱謂鬱鬱酒黃目嘗烝所用今尊崇周公故
於夏禘用之 灌用玉瓚大圭者灌謂酌鬱鬱獻尸求神
也酌之所用玉瓚以玉飾瓚故曰玉瓚也以大圭爲瓚柄
故曰大圭也 薦用玉豆者薦謂祭時所薦菹醢之屬也
以玉飾豆故曰玉豆下云殷玉豆是也 雕簋者簋籩也
以竹爲之形似筥亦薦時用也雕鏤其柄故曰雕簋也
爵用玉琖仍雕者爵君酌酒獻尸杯也琖夏后氏之爵名
也以玉飾之故曰玉琖仍因也因用爵形而爲之飾故曰

仍雕 加以髹散髹角者加謂尸入室饋食竟主人酌醴
齊醕尸名爲朝獻朝獻竟而夫人酌盞齊亞獻名爲再獻
又名爲加于時薦加豆籩也此再獻之時夫人用髹角內
宰所謂瑶爵也其髹散者夫人再獻訖諸侯爲賓用之以
獻尸雖非正加是夫人加爵之後摠而言之亦得稱加故
此摠云加以髹散髹角先散後角便文也 俎用栳巖者
栳巖兩代俎也虞俎名栳栳形四足如案禮圖云栳長二
尺四寸廣一尺二寸高一尺諸臣加雲氣天子犧飾之夏
俎名巖巖亦如栳而橫柱四足中央如距也賀云直有腳
曰栳加腳中央橫木曰巖 升歌清廟者升升堂也清廟
周頌文王詩也升樂工於廟堂而歌清廟詩也 下管象
者下堂下也管匏竹在堂下故云下管也象謂象武詩也
堂下吹管以播象武之詩故云下管象也 朱干玉戚者
干盾也戚斧也赤盾而玉飾斧也 冕而舞大武者冕衮
冕也大武武王樂也王著衮冕執赤盾玉斧而舞武王伐
紂之樂也 皮弁素積褻而舞大夏者皮弁三王之服也

裼見美也大夏夏禹之樂也王又服皮弁裼而舞夏后氏之樂也六冕是周制故用冕而舞周樂皮弁是三王服故用皮弁舞夏樂也而周樂是武武質故不裼夏家樂文文故裼也若諸侯之祭各服所祭之冕而舞故祭統云諸侯之祭也與竟內樂之冕而摠干率其羣臣以樂皇尸是知用冕服舞也昧東夷之樂也任南蠻之樂也者周公德廣非唯用四代之樂亦爲蠻夷所歸故賜奏蠻夷之樂於庭也唯言夷蠻則戎狄從可知也又一通云正樂旣不得六代故蠻夷則唯與二方也白虎通云樂元語曰東夷之樂曰朝離萬物微離地而生樂持矛舞助時生也南夷樂曰南南任也任養萬物樂持羽舞助時養也西夷樂曰昧昧也萬物衰老取晦昧之義也樂持戟舞助時殺也北夷樂曰禁言萬物禁藏樂持干舞助時藏也又曰唯制夷狄樂聖王也先王推行道德和調陰陽覆被夷狄故制夷狄樂何不制夷禮禮者身當履而行之夷狄不能行禮也此東曰昧西曰株離與白虎通正相反者以春秋二方俱

有昧株離之義故白虎通及此各舉其一白虎通云朝離則株離也鉤命決亦云東夷之樂曰昧南夷之樂曰南與此同 納夷蠻之樂於大廟者皆於大廟奏之 言廣魯於天下也者廣魯欲使如天子示於天下故云廣魯於天下也 **注**季夏至大也 正義曰羣公稱宮此公羊文十三年傳曰周公稱大廟魯公稱卅室羣公稱宮此魯公之廟也曷爲謂之卅室卅室猶卅卅不毀也左氏經以爲大室屋壞服氏云大廟之室與公羊及鄭違今所不取云犧尊以沙羽爲畫飾者鄭志張逸問曰明堂注犧尊以沙羽爲畫飾前問曰犧讀如沙沙鳳皇也不解鳳皇何以爲沙荅曰刻畫鳳皇之象於尊其形婆娑然或有作獻字者齊人之聲誤耳又鄭注司尊彝云山罍亦刻而畫之爲山雲之形鄭司農注周禮司尊彝云獻讀爲犧犧尊飾以翡翠象尊以象鳳皇或曰以象骨飾尊王注禮器云爲犧牛及象之形鑿其背以爲尊故謂之犧象阮謏禮圖云犧尊畫以牛形云簋簠屬也以竹爲之雕刻飾其直者也知簋爲

邊屬者與豆連文故知邊屬以字從竹故知以竹爲之直柄也簋旣用竹不可刻飾今云雕其直者是刻其柄也云仍因也者釋詁文也云加加爵也者以其非正獻故謂之加云散角皆以髣飾其口也者鄭恐散角以髣爲之故云以髣飾其口內宰謂之瑤爵此處謂之髣角者瑤是玉名爵是揔號髣是玉之形制角是爵之所受之名異其實一物也云琬始有四足也者以虞氏尚質未有餘飾故知始有四足云嶽爲之距者以夏世漸文故知以橫木距於足中云清廟周頌也者以文王有清明之德祭之於廟而作頌也云象謂周頌武也以管播之者案詩維清奏象舞襄二十九年見舞象箛南籥知非文王樂必以爲大武武王樂者以經云升歌清廟下管象以父詩在上子詩在下故知爲武王樂也以管播之謂吹管播散詩之聲也云大武周舞也者上云下管象謂吹大武詩此云舞大武謂爲大武之舞云大夏夏舞也者以大夏是禹樂故爲夏舞引周禮昧師者證經之昧樂引詩以雅以南者證經之南夷之

樂任即南也則此詩小雅鼓鐘之詩鄭云雅萬舞也萬也南也籥也三舞不僭言進退之旅也周樂尚武故謂萬舞爲雅 君卷至大服 正義曰前經明祀周公用器物此經明祀周公之時君與夫人卿大夫命婦行禮之儀夫人副禕立于房中者尸初入之時君待之於阼階夫人立於東房中魯之大廟如天子明堂得立房中者房則東南之室也揔稱房耳皇氏云祭姜嫄之廟故有房案此文承上禕祀周公之下下云天下大服鄭注知周公之德宜饗此也則是祀周公於大廟而云姜嫄廟非辭也 迎牲于門者謂裸鬯之後牲入之時迎於門 夫人薦豆籩者謂朝踐及饋孰并醕尸之時薦豆籩也 卿大夫贊君者贊助也卿大夫助君謂初迎牲幣告及終祭以來之屬也 命婦贊夫人者命婦於內則世婦以下於外則卿大夫妻並助夫人薦豆籩及祭事之屬也 各揚其職百官廢職服大刑者當祭之時命百官各揚舉其職事如有廢職不供服之以大刑 而天下大服者以祭周公文物備具禮

儀整肅百官供命而天下大服明周公之德宜合如此

注 副首至此也

正義曰經云副禕副是首飾以其覆被

頭首漢之步搖亦覆首故云今之步搖引詩副笄六珈者詩鄘風刺衛宣姜之詩也言宣姜首著副珈而又笄六玉加於副上引周禮追師者證副者是王后首服言追師掌爲副以供后之首服云禕王后之上服者案周禮云禕衣揄翟闕翟等皆是后之所服但禕衣則是王后服之上者云唯魯及王者之後夫人服之者此經夫人副禕是魯得服之王者之後得行先代天子禮樂是王者之後夫人得服之云諸侯夫人則自揄翟而下者言其餘諸侯夫人不得服禕衣也云命婦於內則世婦也於外則大夫之妻也者案喪服傳云命婦者婦人之爲大夫妻世婦與大夫位同故知內則世婦也不云女御及士妻者以經云卿大夫贊君士賤略而不言明士妻及女御亦略之是故至祭也

正義曰此

一經明魯得祭之事

注

不言至祀祫

正義曰云魯在東方者朝恒用春當朝之年以朝闕祭

云王東巡守以春者鄭既明朝時闕春祭又明王巡守之時魯亦闕春祭巡守在於二月不於正月祭者皇氏云諸侯預前待於竟故不得正月祭也云省讀爲獮獮秋田名也者以省獮聲相近大司馬云中秋教治兵遂以獮田故知秋田名也云春田祭社秋田祀祊者大司馬職文彼云秋祀祊鄭云祊當爲方謂四方句芒之屬也大廟至應門正義曰此一經明魯之門及廟之制大廟天子明堂者言周公大廟制似天子明堂庫門天子皐門者言魯之庫門制似天子皐門雉門天子應門者言魯之雉門制似天子應門

注言廟至將將正義曰言廟及門如天子之制也者謂制度高大如似天子耳不必事事皆同故前文祭天不得祭圓丘又郊特牲祭天服袞冕不服大裘是不得盡如天子記者美之云天子之禮耳是知魯之大廟不可一一似明堂也云天子五門皐庫雉應路者此經云天子皐門天子應門是天子有皐門應門顧命有畢門畢門則路門也是天子有路門此經魯有庫門雉門

明天子亦有五門云魯有庫雉路則諸侯三門與者此經有庫門雉門又檀弓云魯莊公之喪既葬而經不入庫門定二年雉門災是魯有庫雉則又有路門可知魯既有三門則餘諸侯亦有三門故云諸侯三門與但其餘諸侯有臯門應門及路門也引詩乃立臯門應門者證諸侯有臯門應門也所引詩者大雅文王緜之篇也言大王徙居岐周爲殷諸侯立此臯門應門衛亦有庫門故家語云衛莊公反國孔子譏其繹之於庫門內祊之於東方失之矣是衛有庫門也山節至飾也正義曰此一節論魯之大廟之飾山節謂櫨盧刻爲山形藻梲者謂侏儒柱畫爲藻文也復廟者上下重屋也重檐者皇氏云鄭云重檐重承壁材也謂就外檐下壁復安板檐以辟風雨之灑壁故云重檐重承壁材刮楹者刮摩也楹柱也以密石摩柱達鄉者達通也鄉謂窓牖也每室四戸八窓窓戸皆相對以牖戸通達故曰達鄉也反玷者兩君相見反爵之玷也築土爲之在兩楹間近南人君飲酒既獻反

爵於坫上故謂之反坫也 出尊者尊在兩楹間坫在尊南故云出尊 崇坫康圭者崇高也亢舉也爲高坫受賓之圭舉於其上也 䟽屏者䟽刻也屏樹也謂刻於屏樹爲雲氣蟲獸也 天子之廟飾也者自山節以下皆天子廟飾也反坫亦在廟故合言廟飾也 注山節至之矣正義曰刻樽盧也者節名樽盧釋宮云栳謂之案李巡云栳今樽盧也則今之斗栱云畫侏儒柱者案釋宮云案廂謂之梁其上楹謂之桷李巡曰梁上短柱也云鄉牖屬者詩豳風塞向墜戶是牖屬也云出尊當尊南也者以當近南迴露嚮外爲出今言出尊故知尊南也云禮君尊于兩楹之間者以燕禮燕臣子列尊于東楹之西今兩君敵體當尊在兩楹之間故鄉飲酒賓主敵體尊于房戶間是也皇氏解此用燕禮之文尊于東楹之西爲楹之間失之矣云康讀爲亢龍之亢者案易乾上九亢龍有悔讀從之云屏謂之樹今浮思也者屏謂之樹釋宮文漢時謂屏爲浮思故云今浮思解者以爲天子外屏人臣至屏俯伏思念

其事案匠人注云城隅謂角浮思也漢時東闕浮思災以此諸文參之則浮思小樓也故城隅闕上皆有之然則屏上亦爲屋以覆屏牆故稱屏曰浮思或解屏則闕也古詩云雙闕百餘尺則闕於兩旁不得當道與屏別也闕雖在兩旁相對近道大略言之亦謂之當道故識云代漢者當塗高謂魏闕也云刻之爲雲氣蟲獸如今闕上爲之矣者言古之疏屏似今闕上畫雲氣蟲獸如鄭此言似屏與闕異也 鸞車至路也 正義曰此一經明魯有四代之車其制各別 鸞車車有鸞和也路則車也 鉤車夏后氏之路也者鉤曲也輿則車牀曲輿謂曲前闌也虞質未有鉤矣 大路殷路也者大路木路也 乘路周路也者乘路玉路也周王禮故用玉 **注**春秋傳曰大路素 正義曰案桓二年左氏云大路的越席越席是祀天之席則大路亦祭天之車以祭天尚質故鄭云大路素 有虞至大赤爲綏但注旄竿首未有旒縵 夏后氏之綏者鄭云綏當

爲旂夏后氏漸文旣注旄竿首又有旒繆 殷之大白謂
白色旗 周之大赤者赤色旗此大白大赤各隨代之色
無所畫也 **注**有虞至田也 正義曰知有虞氏當言綏
夏后氏當言旂者以虞質於夏故知虞世但注旄夏世始
加旒繆知注旄牛尾於杠者爾雅釋天云注旄首曰旌是
也云所謂大麾者所謂巾車建大麾以田者是也必知此
綏當大麾者彼大麾上有大白大赤此經夏后氏之綏下
有大白大赤故知綏當大麾也然巾車注云正色言之大
麾夏后氏之旗色黑鄭此注以綏爲有虞氏所建綏則大
麾不同者有虞氏但有注旄竿首夏后氏之旗若去旒繆
則與虞氏不異同謂之綏也以巾車連大白大赤故以綏
麾爲之旗引書曰者牧誓文引之者證白旄以指麾是大
麾也引周禮者巾車職文明天子所用然則魯之所用亦
當然也 夏后至駢剛 正義曰此一經明魯有三代之
馬及牲色不同夏后氏駢馬黑鬣者駢白黑相間也此馬
白身黑鬣故云駢也夏尚黑故用黑鬣也殷人白馬黑首

者殷尚白故白馬也純白似凶故黑頭也頭黑而鬣白從所尚也然類三代俱以鬣爲所尚也 周人黃馬蕃鬣者蕃赤也周尚赤用黃近赤也而用赤鬣爲所尚也熊氏以爲蕃鬣爲黑色與周所尚乖非也 夏后氏牲尚黑殷白牡周駢剛者賜魯用三代牲也駢赤色也剛牡也駢言剛則白亦剛白言牡黑亦牡也故殷告天云敢用玄牡從天色也 泰有至尊也 正義曰此一經明魯用四代尊也虞尊用瓦名泰也然或用三代或用四代者隨其禮存者而用之耳無別義也 山罍夏后氏之尊也者罍猶雲雷也畫爲山雲之形也 著殷尊也者無足而底著地故謂爲著也然殷尊無足則其餘泰罍犧並有足也 犧象周尊也者畫沙羽及象骨飾尊也然殷名著周名犧象而禮器云君西酌犧象亦是周禮也 **注**泰用至無足 正義曰以考工記云有虞氏尚陶檀弓又云有虞氏瓦棺故知泰尊用瓦也 爵夏至以爵 正義曰此一經明魯有三代爵並以爵爲形故并標名於其上 夏后氏以琖者夏

爵名也以玉飾之故前云爵用玉琖仍雕是也 殷以斚者殷亦爵形而畫爲禾稼故名斚斚稼也 周以爵者皇氏云周人但用爵形而不畫飾案周禮大宰贊玉凡玉爵然則周爵或以玉爲之或飾之以玉皇氏云周爵無飾失之矣 灌尊至蒲勺 正義曰此一節明魯有三代灌尊及所用之勺 夏后氏以雞夷者夷即彝彝法也與餘尊爲法故稱彝彝雞彝者或刻木爲雞形而畫雞於彝 殷以斚者鄭司農云畫爲禾稼 周以黃目者以黃金爲目皇氏云夏后氏以瓦泰之上畫以雞彝殷著尊畫爲稼彝然尊彝別作事不相依而皇氏以當代之尊爲彝文無所據假因當代尊爲彝則夏后氏當因山壘不得因虞氏瓦泰皇氏之說其義並非也 夏后氏以龍勺者勺爲龍頭殷以疏勺者疏謂刻鏤通刻勺頭 周以蒲勺者皇氏云蒲謂合蒲當刻勺爲鳧頭其口微開如蒲草本合而未微開也 **注**夷讀至頭也 正義曰引周禮春祠夏禴以下司尊彝職之文云春祠夏禴裸用雞彝鳥彝者雞彝盛

明水鳥彛盛鬱鬯也秋嘗冬烝裸用罍彛黃彛者義亦然
必知一時之祭并用兩彛者以下云朝踐用兩犧尊再獻
用兩象尊犧象不可即爲三時故知兩彛祇當一節皇氏
沈氏並云春用雞彛夏用鳥彛秋用罍彛冬用黃彛春屬
雞夏屬鳥秋屬收禾稼冬屬土色黃故用其尊皇氏等此
言文無所出謂言及於數非實論也種曰稼斂曰穡秋時
不得稱稼月令季秋草木黃落冬卽色玄不得用黃彛也
下追享朝享用虎彛雖彛追享謂祈禱也朝享謂月祭也
若有所法則四時不同何以獨用虎雖又崔氏義宗廟祫
祭用十八尊祫在秋禘祭用十六尊禘在夏也是一時皆
數兩彛得爲十八十六若每時用唯一彛祇十七十五
是知皇氏等之說其義非也 土鼓至樂也 正義曰此
一經明畧用古代之樂土鼓謂築土爲鼓蕢桴以土塊爲
桴葦籥者謂截葦爲籥此等是伊耆之樂畧得用也 注
蕢當至氏者 正義曰經云蕢者草名與土鼓相對故讀
爲由云伊耆氏古天子有天下之號也者禮運云伊耆氏

始為蜡蜡是報田之祭案易繫辭神農始作耒耜是田起於神農故說者以伊耆氏為神農也 拊搏至器也 正

義曰此一經論魯有四代樂器但四代漸文不如土鼓葦簫之質故別起其文也 魯公至室也 正義曰此一經

明魯有二廟不毀象周之文武二祧也 文在室者魯公

伯禽有文德世世不毀其室故云文世室武世室者伯禽

玄孫武公有武德其廟不毀故云武世室 注武公至名

教 正義曰案成六年立武宮公羊左氏並記之不冝立

也又武公之廟立在武公卒後其廟不毀在成公之時此

記所云美成王褒崇魯國而已云武公之廟武世室者作

記之人因成王褒魯遂盛美魯家之事因武公其廟不毀

遂連文而美之非實辭也故下文君臣未嘗相弑禮樂刑

法政俗未嘗相變也鄭云亦近誣矣是不實也伯禽玄孫

者案世本伯禽生煬公熙熙生弗弗生獻公具具生武公

敖是伯禽玄孫名敖 米廩至學也 正義曰此一經明

魯得立四代之學也 米廩有虞氏之庠也者言魯之

米廩是有虞氏之庠魯以虞氏之庠爲廩以藏粢盛序
夏后氏之序也者是夏家之學也

注魯謂至祭之正

義曰虞帝上孝者尚書云烝烝乂禮記云舜其大孝也與
是虞帝上孝也云今藏粢盛之委焉者委謂委積言魯家
於此學中藏此粢盛委積案桓十四年御廩災公羊云御
廩者何粢盛委之所藏也云古者有道德者使教焉死則
以爲樂祖者大司樂文云於此祭之者謂於此瞽宗祭之
故大司樂云祭於瞽宗是也

注崇貫至之璜正義曰

知皆國名者春秋宣元年晉趙穿侵崇又書傳有崇侯虎
貫與崇連文故知崇貫皆國名定四年左氏傳夏后氏之
璜封父之繁弱封父與夏后氏相對故知封父亦國名云
文王伐崇者詩大雅文云古者伐國遷其重器以分同姓
者案昭十五年左傳云密須之鼓闕鞞之甲以賜晉是遷
其重器以分同姓也

注越國至拔棘正義曰以崇鼎

貫鼎是崇貫所出之鼎則知越棘是越國所有之棘引春
秋傳曰子都拔棘者隱十一年左傳文證棘爲戟棘戟方

言文

注 殷頌至縣鼓

正義曰所引殷頌者那之篇鄭

注云置讀曰植植執鼓引之者證殷楹鼓引周頌有瞽之篇者案周頌有瞽始作樂合於大祖經云應田縣鼓毛傳云田大鼓鄭云田當爲轉轉小鼓在大鼓之旁引之者證周之縣鼓 垂之至笙簧 正義曰此一經明魯有先代之樂 垂之和鍾者垂之所作調和之鐘 叔之離磬者叔之所作編離之磬 女媧之笙簧者女媧所作笙中之簧言魯皆有之

注

垂堯至笙簧

正義曰案舜典垂作

共工謂舜時也鄭不見古文故以爲堯時云女媧三皇承宓義者案春秋緯運斗樞差德序命宓義女媧神農爲三皇是承宓義者帝王世紀云女媧氏風姓承庖犧制度始作笙簧無所革造故易不載不序於行蛇身人首是也云和離謂次序其聲縣也者聲解和也縣解離也言縣磬之時其磬希疏相離云世本作曰者世本書名有作篇其篇記諸作事云無句作磬者皇氏云無句叔之別名義或然也 夏后至辟翬 正義曰此一經明魯有三代樂縣之

飾 夏后氏之龍簋虛者謂簋虛之上以龍飾之 殷之
崇牙者謂於簋之上刻畫木爲崇牙之形以挂鍾磬 周
之璧翬者謂周人於此簋上畫繒爲翬戴之以璧下縣五
采羽挂於簋角後王彌文故飾彌多也 注 橫曰至樹羽

正義曰橫曰簋飾之以鱗屬植曰虞飾之以羸屬者案
考工記筍飾之以鱗屬鍾虞飾之以羸屬磬虞飾之以羽
屬如考工記之文則筍飾以龍此經并云虞者蓋夏時簋
之與虞皆飾之以鱗至周乃別故云龍簋虞或可因簋連
言虞也云簋以大版爲之謂之業者詩周頌云設業設虞
以業虞相對故知業則簋也其實簋上更加大版刻崇牙
謂之業故詩大雅云虞業惟縱注云虞也拘也所以縣鍾
鼓也設大版於上刻畫以爲飾是也云周又畫繒爲翬戴
以璧者翬翬也言周畫繒爲翬戴小璧於翬之上云垂五
采羽於其下樹於簋之角上者案漢禮器制度而知也引
周頌者證簋虛及崇牙樹羽之義皇氏云崇牙者崇重也
謂刻畫大版重疊爲牙 注 皆忝至未聞 正義曰簋是

黍稷之器，斚與瑚璉共。簠簠連文，故云黍稷器也。案鄭注周禮舍人云：方曰簠，圓曰簋。此云未聞者，謂瑚璉之器與簠異同未聞也。鄭注論語云：夏曰瑚，殷曰璉，不同者，皇氏云鄭注論語誤也。此言兩斚四璉六瑚八簋者，言魯之所得唯此耳。**注** 斚斷至大房。正義曰：知斚斷木爲四足者，以虞氏尚質，未有餘飾，故知但有四足而已。云謂中足爲橫距之象者，以言斚謂足以橫歷，故鄭讀斚爲歷，謂足橫辟不正也。今俎足間有橫，似有橫歷之象，故知足中央爲橫距之象。言雞有距，以距外物。今兩足有橫而相距也。云周禮謂之距者，非周禮正文。言周代禮儀謂此俎之橫者，爲距，故少牢禮腸三胃三長，皆及俎，拒是也。云棋之言枳棋也，謂曲撓之也。者棋枳之樹，其枝多曲撓，故陸璣草木疏云：棋曲來巢，殷俎似之，故云曲撓之也。云房謂足下跗也。上下兩間有似於堂房者，案詩注云：其制足間有橫下有拊，似乎堂後有房，然如鄭此言，則俎頭各有兩足足下各別爲跗，足間橫者似堂之壁，橫下二拊似堂之東西。

頭各有房也但古制難識不可委知南北諸儒亦無委曲解之今依鄭注略為此意未知是否

注獻疏刻之

正義曰獻音沙沙音希疏之義故為疏刻之有虞至龍章

正義曰此一經論魯有四代韋制有虞氏服韋者直

以韋為韋未有異飾故云服韋夏后氏畫之以山殷人增之以火周人加龍以為文章

注韋冕至而已

正義曰

易困卦九二爻辭朱紱方來利用享祀是韋為祭服也云天子備焉諸侯火而下卿大夫山士韋而已者案士冠禮士韋韋是士無飾推此即尊者飾多此有四等天子至士亦為四等故知卿大夫加山諸侯加火天子加龍

注

此皆至尚非

正義曰夏后氏尚質故用水殷人稍文故

用醴周人轉文故用酒故云此皆其時之用耳云言尚非

者案儀禮設尊尚玄酒是周家亦尚明水也案禮運云澄

酒在下是三酒在堂下則周世不尚酒故知經言尚者非

也 有虞至三百

正義曰此經明魯家兼有四代之官

然魯是諸侯案大宰職諸侯唯有三卿五大夫故公羊傳

司徒司空之下各有二小卿司馬之下一小卿是三卿五大夫也今魯雖被褻崇何得備為四代之官而備三百六十職者當成王之時褻崇於魯四代官中雜存官職名號是使魯有之非謂魯得盡備其數但記者盛美於魯因舉四代官之本數而言之 有虞氏官五十者鄭差之當為六十 夏后氏官百者鄭差之當為百二十 殷二百者鄭差之當為二百四十 周三百者鄭據記時冬官亡矣故言三百若兼冬官則三百六十也 **注** 周之至記也正義曰云周之六卿其屬各六十者小宰職文云此云三百者記時冬官亡矣者以此經四代相對各陳其官宜舉實數故云冬官亡矣若文無所對即舉其成數故禮器經禮三百曲禮三千鄭禮序云舉大略小闕其殘者是與此經不同引昏義者欲證明夏官百二十夏倍於虞殷倍於夏殷官既多周不可倍之故但加殷百二十耳案尚書周官云唐虞稽古建官惟百夏商官倍亦克用又與此數不同者禮是記事之典須委曲備言書是疏通之教故舉大

略小 有虞至辟翬 正義曰此一經明魯有四代喪葬
旌旗之飾 有虞氏之綏者則前經注旄於竿首 夏后
氏之綢練者謂綢杠以練又為之旒 殷之崇牙者謂刻
繒為崇牙之形飾旌旗之側 周之辟翬者謂周代以物為
翬翬上戴之以辟陳之而鄣柩車 ⑤綏亦至旒九 正
義曰綏亦旌旗之綏者以前經云夏后氏之綏是旌旗之
綏故云綏亦旌旗之綏綏謂注旄竿首也云夏綢其杠以
練為之旒者既綢杠以練又知以練為旒者以爾雅云練
旒九也云湯以武受命恒以牙為飾也者前經云箕虞既
以崇牙為飾此旌旗又飾以崇牙故云恒也周亦武取天
下但殷既以牙為飾周世尚文更取他物飾之不復用牙
云此旌旗及翬皆喪葬之飾者以前文崇牙辟翬是飾箕
虞此與夏后綢練連文案檀弓綢練設旌夏也是喪葬旌
旗故知喪葬之飾引周禮大喪葬巾車執蓋從車持旌御
僕持翬者證明葬有旌旗及翬之義云天子八翬皆戴辟
者天子八翬禮器文皆戴辟即此辟翬天子之禮也云諸

侯六翬皆戴圭大夫四翬士二翬皆戴綏並喪大記文也
引檀弓孔子之喪及爾雅者證明此經是喪葬之飾并明
綢練之義 凡四至樂焉 正義曰此一經記者既陳四
代服器官於前此經結之於後美大魯國也然言土鼓鞀
簫伊耆氏之樂又有女媧之笙簧非唯四代而已今此祇
言四代者據其多者言之唯舉四代耳其間亦有但舉三
代者此四代服器魯家每物之中得有用之不謂事事盡
用 天下以爲有道之國者作記之時是周代之末唯魯
獨存周禮故以爲有道之國是故天下資禮樂焉者左
傳襄十年云諸侯宋魯於是觀禮宋爲王者之後魯是周
公之胤是天下資禮樂焉 **注**春秋至臺駘 正義曰案
隱十一年羽父請殺桓公將以求大宰隱公不許羽父使
賊弑隱公是弑一君也莊三十二年慶父使圉人犇賊子
般是弑二君也閔二年慶父又使卜齮賊公于武闥是弑
三君也云士之有誅由莊公始者檀弓文在左傳莊十年
乘丘之役也云婦人髽而弔始於臺駘者亦檀弓文左氏

襄四年臧武仲與邾人戰於
狐駘被邾人所敗是其事也

禮記正義卷第四十一

不勝其哀

五